

Januari 5, 2021

www.awemainta.com

www.facebook.com/awemainta

noticia@awemainta.com

583-1400



AWEMainta

Awor cu a caba di fiesta

RIJ LARGO DI AUTO PA HACI TEST DI COVID -19 NA HORACIO ODUBER HOSPITAL

HOPI hende no a percura pa cuida nan mes durante di dianan di fiesta y e contagionan na Aruba tambe a subi. Pesey ayera por bisa cu na hospital tin filanan largo di hendenan cu a bay pa haci test di Covid-19 na hospital. Esaki ta mustra cu tog tin hende cu tin miedo y awor ta core sali preocupa pa nan salud, despues di a kibra tur reglanan pa no sali y no ta den hopi hende.

Ayera por mira un fila di auto para den rij pa por haci e test di Covid -19. No ta solamente na hospital tin fila largo , pero tambe na laboratorionan cu por haci e testnan aki tambe tin persona cu ta bay p'asina nan keda atendi pa haci test di Covid -19.

Importante ta pa sigui e protocolnan cu Gobierno ta duna tur dia pa mantene distancia y tambe hygena, ta solamente hunto nos por combati e virus aki.



**INVEST
SECURE**



We don't just say it ... We Guarantee it !!!

You can focus on your business

If you leave your security protection up to us.

Call 582-7252 for a free presentation.

Email: insec@setarnet.aw



Tres diferente Minister y dos Director cu otro mas na caminda

Ainda dump ta kimando y solucion den dos luna lo bira cuater aña sin solucion

DURANTE di campana electoral partidonan cu a forma e coalicion MEP-POR-RED, a priminti pueblo cu asina cu nan ta den Gobierno, lo soluciona e problema di dump den cuestion di dos luna.

Dos luna a pasa bay y awor drentando e di cuater aña di e Gobierno aki, ya ta sigur cu prome cu Gabinete Wever Croes bay cas, e lo no tin solucion p'e situacion di dump di Parkietenbos.

No solamente no tin e solucion cu a wordo anuncia cu gran fanfaria, Gabinete Wever Croes tabatin tres diferente Minister involvi cu e Proyecto di Dump aki, cuminsando cu Otmar Oduber, kende a retira despues di dos aña sin presenta e solucion el a priminti.

Despues a bin Minister drs Marisol Lopez Tromp como sucesor di Otmar Oduber, pero kende a bin descubri un maneho deficiente cu a wordo hiba pa Otmar y hasta e bay over na acusa otro Ministernan di Gabinete Wever Croes, di ta meti den decisionnan incorrecto y hasta ilegal.

Ora cu Gabinete Wever Croes cu cooperacion di Gobernador a logra di kita e cartera for di Marisol Lopez Tromp, a duna maneho di e cartera aki na Prome Minister Evelyn Wever Croes, kende cu bos halto a grita cu lo bay tene dialogo continuo cu habitantenan di e bario rond di dump p'asina conhuntamente haya un solucion p'e situacion dificil cu tin.



Tres luna despues ainda dump ta sin solucion, ainda e bario di Parkietenbos ta sin dialogo, ainda e investigacion riba maneho di ex Minister Otmar Oduber no a bin dilanti, pues net nada a pasa desde cu Prome Minister a tuma e cartera aki over.

Dialuna riba prome dia di trabou pa aña 2021, esta aña nobo, ata huma ta sali atrobe for di tereno di dump y colmando e shelo cu huma preto y shinishi.

Cu otro palabra Minister Presidente tampoco tin solucion y awor tin cu mira con e lo atende cu e situacion prome cu aki ocho luna ora cu pueblo tin cu bay urna electoral pa eligi un Gobierno nobo.

No solamente tres Minister den menos di tres aña a atende e cartera aki di dump, pero e compania Serlimar cu tambe tin di haber cu pikimento di sushi di cas, a cambia

dos Director caba y ta na caminda pa nombra e di tres den termino corto. Y no ta prome biaha cu Prome Minister Evelyn Wever Croes ta haci e tipo di promesanan aki na pueblo, ya cu na inicio di su Gabinete Evelyn a sigura pueblo cu su Gobierno lo prepara y lo pasa e ley di proteccion pa mucha dentro di algun dia, ya cu esaki ta un asunto cu lo dura minimo 6 minuut.

Wel seis minuut a bira algo mucho dificil pa Prome Minister y su Gobierno, ya cu mientrastanto a pasa 1.576.800 minuut y ainda Evelyn no a cambia e ley aki cu el a priminti pueblo cu e lo cambia den seis minuut y ainda falta 1.576.794 minuut cu e no a cumpli cu e promesa aki. Dump su historia den man di Prome Minister lo conoce mesun resultado, mesun falta di vision y mesun falta di seriedad y respet pa cu pueblo di Aruba.

Situacion financiero ta leu di normalisa

Pero cobransanan pisa a sali bay den comunidad sin duna areglo di pago husto

GOBIERNO na inicio di e pandemia di corona virus, na varios ocasion a papia di e normal nobo cu pueblo tin cu adapta na dje, despues cu practicamente sector di turismo, economia, labor y social, a cay den otro dor di e pandemia aki.

Sinembargo e normal nobo nunca Gabinete Wever Croes a papia di dje, nunca a bin dilanti y duna un vision di loke Gobierno ta pensa con e normal nobo aki tin cu funciona y na final di cuenta e unico normal nobo cu tin, ta cu esnan cu a perde trabou, temporalmente of definitivamente, no tin placa pa haci net nada.

E normal nobo ta cu e pais lo no bay bek n'e nivel economico prome cu luna di maart 2020, turismo lo tuma tempo pa lanta cabes, hotelnan lo no opera manera antes cu bon ocupacion mientras cu e porcenteha di esnan sin trabou, ta masha halto mes y lo keda asina pa un tempo indefini, ya cu e situacion economico tin cu normalisa p'e sector laboral bira mas solido.

Ta mas cu claro cu den ultimo 10 luna di 2020, e pais a pasa den momentonan dificil, cu varios famia den problema financiero, e sector comercial cu falta di benta y cu e problema cu clientenan cu tin cuenta cerca nan, no por paga ya cu nan no tin trabou por lo pronto.

Pues entrada a stagna y esaki tambe ta contra tanto pa pago di cuentanan di electricidad y awa a pesar cu Gobierno a presenta FASE y tambe e asina yama 'Loonsubsidie.'

Awor net e ultimo aki, prome cu fin di aña, a cuminsa cu e proceso di cobra companianan cu a haci uso di e Loonsubsidie aki, pa colmo na un momento cu e crisis ainda no ta tras di lomba.

E negoshinan cu a apela riba e ayudo aki di SVB, sin duda a keda contento cu esaki y hasta varios di nan a tene cabes riba awa cu e Loonsubsidie aki, ya cu nan a haya un entrada p'asina por a mantene nan personal den servicio.

Sinembargo den luna di february ultimo, SVB a emiti varios cobransa di e Loonsubsidie aki otorga na negoshinan local, caminda ta pidi sumanan grandi cu lo tin cu wordo paga den un periodo masha cortico mes.

SEGURO

Companionan di Seguro di auto tambe ta bayendo mesun direccion y practicamente tur kier mira clientenan paga e Seguro den un solo paga, pues no den varios luna of sikiera den dos ocasion y aki tambe tin problemanan serio na caminda.

Hopi hende cu tin auto, cu tin Seguro, no tin trabou of no tin un entrada for di cual nan lo por pone sumanan di entre 400 te cu mas cu 1000 florin pa cubri un Seguro di auto, sin cu nan tin trabou pa hustifica esaki.

Aki tambe companianan di Seguro tin cu biba cu e realidad cu e situacion ta diferente, cu e situacion ta hopi dificil caminda sikiera por conbibi cu ciudadanonan cu no por paga nan seguro den un solo paga ya si haci esaki, nan problema den cas mes, lo bira mas dificil.

Ora papia di Seguro tin cu papia di number di auto, caminda tur hende cu tin un auto, tin cu paga belasting pa core riba careteranan di Aruba y aña pasa Gabinete Wever Croes a introduci e multa p'esnan cu paga laat y te ainda e situacion aki ta na vigor den 2021 tambe.

Hopi hende cu no a paga number completamente na 2020, a haci esaki pa falta di entrada, pa falta di salario y simplemente nan no tin placa pa entre otro paga e number mes, corda pa paga un multa agrega n'esaki.

Ultimo dianan tambe tin hopi reaccion drentando na mesa di redaccion di hendenan cu ta cuestiona e hecho cu algun banco a dicide di hisa e interes riba prestamo personal sin cu tin hustificacion p'esaki n'e momentonan aki.

Ya caba varios banco den ultimo luna di 2020 a dirigi varios cobransa pisa na clientenan, entre otro dunando un ultimatum sin cu sikiera nan por a trata na averigua kico ta pasando of di con tin clientenan cu no ta cumpliendo manera dede ser.

Mester bin un normal nobo, pero con por pidi un Gabinete Wever Croes cu nunca a funciona normalmente, pa bisa pueblo kico t'e normal nobo.

Aña a sera cu hopi violencia y a habri cu mas caso di maltrato

Demasiado hende muher ta birando victima di abuso fisico

Gabinete Wever Croes pa medio di su Minister di Asunto Social, Glenbert Croes, asina cu el a cuminsa funciona como Minister, a dicidi di pone un fondo disponibel di algun mion florin, pa atende e situacion di problemanan social cu tin den comunidad.

Morto di dos mucha chikito na man di un padrastro abusador, a fungi como base di e programa aki cu awor despues di tres aña cu e Gobierno aki ta na mando, no ta mira ningun indicacion di algo cu ta parece un solucion p'e problemanan aki.

Durante di e pandemia di corona virus cu a inicia na luna di maart di 2020, caminda Gobierno a impone un shelter in place y tambe un toque de queda pa limita aglomeracion di hende, por a ripara cu casonan di maltrato fisico y mental a cuminsa lanta cabes formalmente.

Den luna di december e situacion a bira ainda mas serio ora cu practicamente tur dia polisnan mester a sali pa atende un of otro caso di violencia fisico contra di un hende muher, sea cu e agresor ta su propio casa, e homber cu e muher ta biba cune, of un familiar.

Tabatin demasiado caso di mayornan cu ta yega cas bura-chi y kibra tur cos den cas, acompaña pa maltrato contra yiunan caminda por mira claramente cu e problema mas tanto p'e hecho cu e homber ora cu e caba di gasta e tiki placa cu el a cobra, ta trata di saca su rabia riba e famia y cosnan den su cas.

Polisnan a efectua cantidad di detencion y den fin di si-man cu ta tras di lomba esaki un biaha mas tabata e caso, caminda hasta un homber a bay asina leu pa persigui su amiga of su ex amiga riba caminda publico pa despues bay cerca e dama aki y menasa su persona cu e lo tire.

E tambe a keda deteni, pero esaki ta ehempel bon cla con e situacion a para bira riba e isla, caminda e violencia domestico y riba caya, ta sigui aumenta riba tur nivel di comunidad.

Diabierna madruga aña 2021 a habri c'un persona cu a fayece net prome cu tiro, victima di un hinca c'un obheto skerpi cu lo a perfora su curason y net mey di anochi, dokter a constata oficialmente su fayecimento.

Loke ta ainda mas serio den e asunto aki, t'e hecho cu e sospechoso di e asesinato aki, ta un mucha homber di 15 aña, cual riba su mes ta un hecho hopi, pero hopi serio y ta duna indicacion cu e Plan Social di Gobierno y di Minister Glenbert Croes, no ta funcionando y no ta dunando resultado.


Otro asunto serio den e caso aki cu ta bolbe muestra riba cosnan scheef cu tin den comunidad, t'e hecho cu Polisnan pa captura e mucha aki, ya cu ta un mucha di 15 aña e ta, Polisnan mester a haci un persecucion cu auto ya cu e hoben aki tabata manehando un auto.

No tabatin claridad riba di kende ta doño di e auto, pero e solo hecho cu un hende a permiti e hoben aki bay cu e auto, core rond y hasta core pa Polis den un auto cu solamente 15 aña, ta bisa hopi di e ambiente cu e hoben aki tabata bibando aden, caminda hopi a wordo tolera y cu a conducin'e matamento di diahuebs mey anochi.

Aruba tin leyman concreto di edad di hobennan cu mag ta riba caya te cu cierto ora, leyman cu ta exige pa muchanan hoben ta sigui scol a pie de la letra, pero nada di esaki ta funcionando y awor cuater aña despues di morto violento di tanto Eugene Frans di 3 aña y Rishandrah Anastacia di 5 aña, comunidad ta wordo confronta di un asesinato cometi pa un mucha di 15 aña.

Ta otro ehempel di un Gobierno cu simplemente no tin vision pa nada, no tin un plan sea social, financiero of economico, cu ta sirbi interes general di e pais y awor dilanti di eleccion lo bolbe scucha di mas plan di un Gobierno cu nunca a cumpli cu plannan presenta na pueblo na 2017.

Durante control pa molester di auto, Polis a haya dos arma di candela den posesion di 2 hoben



DIADOMINGO atardi Polis a haya informacion di un Toyota Tercel haciendo maniobranan irresponsabel riba caminda na Sero Patrishi. Un unidad cerca mesora a bay tira bista pa mira si ta topa cu e auto aki.

Den algun minuut buscando den e cayanan di Sero Patrishi, patruya di Playa a topa cu dicho vehiculo, sin plachi number. Esaki tabata net dilanti Sero Patrishi 267.

Durante cu e agentenan a pidi pa takelwagen y bay over pa controla e dos hobennan a bin haya dos arma di candela den nan poder.

Esaki a pone cu mesora a detene ambos hoben y confisca un rugtas y zijas posiblemente conteniendo e armanan y mas cosnan ilicito.

Dos transportwagen a presenta unda cu a transportanan separa pa warda di Playa, unda cu Recherche a wordo notifica di e caso y lo mester continua cu e investigacion.

Pregunta ta, unda y con e hobennan aki ta yega n'e armanan peligroso aki.

AWE

MINI MEGA

MEGA PLUS

Cumpra bo Mini Mega y cu Afl. 2,- mas, bo por gana e jackpot di

AFL

1.500.000,-

Con?



Afl. 900.000,-

+



Extra!

Afl. 600.000,-

www.lottoaruba.com
f
t
v
i


Pa mas informacion yama 525-7555 of bishita nos website lottoaruba.com

Prome Minister Evelyn Wever-Croes:

2021: Aña di Recuperacion

“Ban traha hunto cu positivismo pa un meta: Aruba”

DURANTE e prome conferencia di prensa di Gobierno pa aña 2021, Prome Minister Evelyn Wever-Croes a anuncia cu Gobierno di Aruba a decreta e aña aki, 2021, como Aña di Recuperacion.

Aña 2020 tabata un aña duro a causa di e pandemia cu a dal duro, no solamente Aruba pero mundo henter.

Aña 2021 ta habri cu e conmemoracion di e di 35 aña di nos Status Aparte. Danki n’e determinacion y e cordialidad di nos ciudadanonan, nos a logra hopi den e 35 añanan aki na unda nos a gana e respet y admiracion di hopi pais den region. Tambe nos a sa di inspira hopi pais pa lucha pa nan autonomia. A pesar cu no ta semper tur cos a bay bon, sinembargo Aruba semper tabatin e abilidad pa coregi tur loke cu por a bay malo, cual ta haci nos un pais respeta.

Tambe, esaki ta un aña importante pa nos pais, aña di eleccion electoral na unda cu na september pueblo lo haya e oportunidad pa expresa un biaha mas y eligi su Parlamento.

Den e logo di Aña di Recuperacion cu Prome Minister a presenta, ta ilustra recuperacion pa crea mas oportunidad nobo pa cada ciudadano. Aña 2021 ta un aña di recuperacion pa nos turismo, esey ta wordo ilustra p’e avion den e logo. E maishinan ta ilustra agricultura y e recuperacion financiero cu esaki lo trece pa nos.



“Aña 2021 t’e Aña di Recuperacion, den tur sentido. Recuperacion economico, turismo lo mehora y nos lo concentra riba otro industrianan. Esaki lo hiba na recuperacion financiero di nos pais. E aña aki lo ta recuperacion den enseñansa pa loke nos a perde aña pasa. Recuperacion den bringa e crisis social cu mas determinacion. Recuperacion laboral cu creacion di mas cupo di trabou, y mehoracion di condicionnan di trabou.

Y principalmente recuperacion riba tereno di salud.

E vacuna ta mas cerca y esaki ta crea speransa, nos por mira e luz na final di e tunnel di e pandemia y e medidanan.

Pero pa nos logra e recuperacion aki, nos mester traha hunto, den union pa un meta: Aruba. Y nos mester sigui cuida nos mes y esnan cu nos ta stima. Aruba ta conta cu bo pa su recuperacion, awor mas cu nunca. Ban enfoca riba loke ta positivo y traha cu optimismo pa enfrenta e aña aki y p’e recuperacion di nos pais”, Prome Minister Evelyn Wever-Croes a enfatiza.



NA clausura di aña 2020 y entrada di 2021, Parlamentario Mervin Wyatt-Ras ta refleha. E aña cu ta cabando tabata un aña di reto riba tereno di salubridad, finansa, economia y asunto social. Desde januari 2020, drs. Wyatt-Ras den un conferencia di prensa a indica cu nos mester prepara nos mes pa un virus cu a ser inicialmente detecta na Wuhan, China y cu a cuminsa tras pasa fronteranan. Sin embargo Gobierno no tabatin oido pa cu esaki. Wyatt-Ras a entrega preguntan n'e Minister encarga cu e cartera di Salubridad, Dangui Oduber, kende no a haci caso di e preguntan, ni a contesta nan.

Ta na maart di 2020 na momento cu World Health Organisation a declara coronavirus y awor yama Covid 19 como pandemia, a bati alarma na Aruba y a core yama reunion den Parlamento pa constata e siguiente dia casonan na Aruba di Arubianonan cu tabata den exterior. Despues di esaki Aruba a bay den un lockdown te 10 di juli. Dor di e contagio rapido y e cantidad grandi di casonan rond mundo, especialmente den paisnan cu nos tin contacto cu nan pa medio di turismo, manera e.o. Estados Unidos, Canada, Brazil, Colombia y Hulanda, e sector di turismo a ser afecta grandemente.

Alabes tur otro ramo di industria a ser afecta, un mas cu otro, cu desempleo di mas o menos 37.000 ciudadano.

Segun Wyatt-Ras dor di tratadonan internacional y a base di acuerdonan di cooperacion firma dor di nos paisnan, e.o. na aña 2014, tabatin for di comienso bon intercambio y cooperacion den Reino cu RIVM, cu t'e focal point, pa atende cu malesanan contagioso. Na 2013 a pasa ley al respecto cu a haya algun adaptacion na aña 2019 pa por garantiza mihor cooperacion segun reglamentacion entre paisnan den Reino. Pa alivia e situacion riba tereno laboral y social a bin yudansa financiero di Hulanda limita via FASE banda di Loonsubsidie di SVB.

Alabes boluntarianan, entre otro di Fundacion pa nos Comunidad y Cruz Cora a bin padilanti pa atende cu esnan cu no tin cuminda. Sin embargo ayudo di Hulanda den Reino no a bin sin mas. Hulanda a mara esaki na diferente condicion y sin consulta cu Parlamento ni gremionan, Gobierno a acepta tur e condicionnan, ya caba den mei, prome cu tur e otro paisnan den Reino.

Despues Gobierno a bulldoze serca gremionan y Parlamento decisionnan cu ya el a tuma hunto cu Hulanda. Esaki lo ensera varios medida riba lomba di nos pueblo. Medidanan ya a ser implementa, net den e sector mas afecta, cual t'esun di cuidu.

Parlamentario Mervin Wyatt-Ras:

Spera cu e aña aki por trece cambio y mehoracion den nos salud

Esaki dor di corta den entrada di dunadornan di cuidu, stop transporte di patientnan di dialise pa pone amigonan di e Minister haci dicho transporte, kita pago di djente falso y trabou di djentista y limitacion den e lista positivo di medicinanan cu ta ser cubri dor di AZV. Mientrastanto Gobierno no a presenta un vision pa maneho economico-social p'e tempo benidero. Tampoco a presenta un presupuesto pa 2021, mientras esaki, a base di nos Constitucion, mester a ser entrega na Parlamento dia 1 di september di 2020 caba. Ademas casonan di Covid enbes di baha nan a subi mas ainda sin control.

Di parti di nos fraccion nos tabata willing pa corta den nos salario cu 25% pa yuda alivia e situacion doloroso serca ciudadanonan y a logra convence tur fraccion di esaki den un amienda. A pesar di e situacion penoso rond di Covid tabatin discusion continuo entre Ministernan di coalicion encuanto diferente topico pa cual nan no por a yega na otro. Asina e di dos miembro di coalicion, sra. Lopez-Tromp a ser saca for di su Ministerio y hasta for di su partido na un forma hopi mahos. E motibo ta paso el a cuminsa critica actonan contra integridad, manera cu e mes a yega di indica. Den e asunto aki por menciona alabes e eror constitucional dor di Presidente di Parlamento Ady Thijsen, unda pueblo por a mira cu e no sa su trabou y ta partidista. Aki el a forsa votacion den Parlamento sin quorum. Mior bisa votacion sin tin suficiente Parlamentario den sala. Aki a trata di su propio miembronan cu ni a coopera cun'e pa ta den sala durante votacion. Wyatt-Ras ta indica cu saliendo for di principianan Christian Democra su partido lo ta solidario y para banda di esnan den dificultad y lo salvaguarda derecho di ciudadanonan.

Pa por prepara riba e tareanan basa ariba e principianan di partido a organisa, hunto cu lider, diferente sesion di brainstorming cu actornan importante riba diferente tereno tanto financiero, economico como salubridad, social y enseñansa. A scucha alabes ki "young professionals ta opina". Di e forma aki partido ta prepara su mes prome cu inicio di campaña electoral pa aña 2021.

Sin duda aña 2021 lo habri full speed y cu fe y speransa lo inicia un aña cu potencial pa cambian tanto riba diferente tereno como den resultado electoral.

Drs. Wyatt-Ras kier gradici tur esnan cu a coopera cu su persona y cu partido AVP pa haci posibel cu nos por a haya suficiente informacion pa por haci e trabou parlamentario manera mester ta, expresando loke ta biba den nos hogarnan y curason di nos pueblo. Palabra di sosten, aprecio y elogio ta bay na tur frontliners, esnan cu ta traha den cuidu, cu nos famianan, muchanan y esnan cu problemanan di indole psicologico. Tambe palabranan di aprecio ta bay pa tur boluntario. Un mester yuda otro pa nos por atende cu e futuro nos dilanti. Netamente awor nos mester tin wowo p'esnan den dificultad, esnan cu por ta victima di maltrato y muchanan cu por ta victima di abuso.

A pesar di miyones cu a ser inverti den Social Crisisplan ta resulta cu gruponan vulnerable tog ta keda den peliger.

Wyatt-Ras y su fraccion lo keda vigila e gruponan vulnerable den nos comunidad di serca y lo sigui loke ta pasa na un forma critico cu interes di nos comunidad como prioridad. Ban spera cu den 2021 Aruba y henter mundo, por domina Covid, cu por tin cambio y nos por reconstrui nos pais. Bon aña na un y tur!



**Results of the
Government of Aruba
Treasury Bills issue –Afl. 45,000,000.00
December 31, 2020 – March 31, 2021**



Issuance pursuant to the State Ordinance on Treasury Paper (AB 1987 no. 3) and the State Decree no. 1 of December 17, 2020.

The Centrale Bank van Aruba hereby informs that the Treasury Bills issue of December 31, 2020 for the amount of Afl. 45,000,000.00 with a maturity of three (3) months has been fully subscribed. The average discount yield of the Treasury Bills issue of December 31, 2020 is 3.60 percent.

Aruba, January 4, 2021
Centrale Bank van Aruba

KvK a haci un resumen di aña 2020:

Un aña dificil cu hopi imprevisto y cambio

E aña 2020, mundo henter a wordo confronta cu un pandemia sin ningun precedente cu rapidamente a resulta den un crisis economico y social. Cu e introduccion y adaptacion di reglanan pa distanciamento social y di higiena, mayoria di e paisnan, incluyendo Aruba, a haya nan mes obliga di cera nan fronteranan temporalmente y a urgi nan ciudadanonan pa limita biahamiento, tanto recreativo como pa trabao.

Pa Aruba, cu turismo t'e pilar economico principal, e efectonan di e coronavirus aki (Covid-19) y e medidanan tuma tabata aun mas devastador y a trece hopi reto pa tanto Gobierno como nos empresarionan pa hunto trata di mantene nos pais al flote.

Registracion y cancelacion

Hopi empresa mester a cera nan portanan, sea temporalmente o permanentemente. Sinembargo, a pesar di tur imprevisto y dificultad, tog por a mira cu nos empresarionan no a keda man crusa y a sa di haci algun cambio necesario den e maneho di e compania y den e actividadnan di e negoshi, re-evaluando un ke otro y adaptando n'e situacion coriente pa por a logra sobrevivir.

Algun hasta a wak oportunidadnan nobo y den e adversidad tog a logra crea circunstancianan beneficioso y varios empresario hasta a dicidi di habri un negoshi nobo.

Te cu 31 di december 2020 tabatin un total di 1256 registracion nobo. Kiermen cu a pesar cu e aña tabata dificil pa comercio, nos a observa mas registracion nobo cu aña pasa, pues na 2019 tabatin 1108 registracion nobo. Den totalidad tabatin 566 negoshi cu a wordo cancela o likida e aña aki, mientras cu aña pasa esey tabata 715 negoshi.

E sectornan den cual tabatin mas registracion nobo ta "Wholesale and Retail Trade" (225), Actividadnan di Consulta Profesional (167) y Construcion (133).

Remarcabel ta cu e mesun sector di "Wholesale and Retail Trade" a conta cu mas cancelacion. Den e sector ey 116 negoshi a sera nan porta. Na di dos lugar tin e sector di Hotel & Servicio di Cuminda (83). Na di tres lugar tin e sector di Servicio Administrativo (72). E motibo principal di e cancelacionnan obviamente ta cu e actividadnan comercial a baha drasticamente, pero falta di financiamiento y gastonan halto di opera un negoshi tambe ta factornan cu a obstaculisa continuacion di negoshinan.

Cambio y adaptacion

Mescos cu tur otro compania, KvK tambe mester a tuma cierto paso y a haci algun cambio y adaptacion interno. P.e., pa por cumpli cu e protocol y reglanan di distanciamento y di higiena KvK a sera su portanan pa publico na comienso di e lockdown.

Despues, KvK a limita e cantidad di bishitante na max. 10 persona simultaneamente paden na balie y na final a adapta su orario di oficina, serando pa publico entre 12or di merdia pa 1or di atardi. Sinembargo, KvK a percura pa su producto y servicionan keda accesibel na tur momento y tur comunicacion y transaccion via e chattool riba e website KvK y e plataforma digital MyChamber a keda funciona continuamente.

Di e forma aki a keda al dia y tur informacion a wordo procesa y KvK a urgi y ta keda stimula pa transaccionnan financiero tambe wordo efectua mas tanto posibel digitalmente, sin necesidad di tin contacto fisico cu e clientenan. KvK lo sigui monitorear y evalua e situacion y lo publica riba su website y pagina di facebook ki dia lo por cuminsa opera bek cu e orario normal na comienso di aña 2021.

Actividadnan di KvK

Oficialmente, riba 8 di september 2020, KvK a cumpli 90 aña di existencia. Esaki conforme e decreto gubernamental otorga riba 8 di september 1930, den cual KvK a wordo oficialmente apunta como e instancia representante di comercio y industria di Aruba. Bao di e circunstancianan, KvK a opta pa pospone e celebracion di e conmemoracion aki pa 2021.

Mas informacion di e celebracion lo wordo anuncia despues. No obstante, KvK tog a logra organisa algun actividad fisicamente pa nos empresarionan na comienso di e aña aki y manera ta custumber, a tene su Business Plaza - Step Forward! cu ta enfoca mas tanto riba companianan ya existente.

Tambe a organisa 2 workshops cu e temanan: E Poder di Visualizacion y Pensando Creativo.

Despues pa no laga e resto di aña pasa sin tin actividad, KvK a scoge pa organisa varios sesion digital cu a cubri un variedad di tema, e.o. 5 manera pa sigui dilanti cu bo compania chikito despues di e lockdown, Analisis di data basico pa negoshi, Ta un bon momento pa habri un negoshi nobo?

Transformacion digital di Aruba, Covid: leynan Laboral y Disolucion di un entidad legal. Alabes, a organisa tambe den forma virtual e actividadnan fiho di KvK, Business Plaza pa starters y Women in Business.

E aña aki lamentablemente mester a cancela e curso Empresario Independiente, pero si a logra tene e curso FAB ("Financiële Administratie voor beginners", edicion 1 te cu 4).

T'e intencion p'e aña aki KvK continua cu sesionnan online p'asina duna atencion na diferente topico interesante y duna informacion practico pa nos comerciantenan. P'esaki KvK lo haci uzo di experticio externo como tambe interno por medio di su miembronan di directiva y empleadonan.

Aporte y Consejo

Den e aña aki cu e comunidad comercial mester a lucha contra hopi contratiempo y cambio pa por logra sobrevivir, KvK na su turno a duna extra aporte, sosten y consejo tanto na Gobierno di Aruba como tambe na diferente empresa. Hunto cu demas stakeholders, KvK a asisti n'e diferente reunionnan cu Gobierno encunto e deliberacionnan cu Hulanda y KvK a tin dialogo cu Minister Presidente y Minister di Finansa y Asuntonan Economico tocante e "Landspakket" pa Aruba y e topiconan concerniente, e.o. Subsidio di Gobierno pa Comercio, Alivio Fiscal y Modernizacion di e leynan Laboral.

KvK tambe a forma parti di algun subcomision manera "Commissie Herstel en Innovatie" y "Committee Elimination of red-tape", p'asina duna aporte pa por yega na concretisacion y por cuminsa eheccion di e plan di recuperacion pa nos pais.

Esaki ta sumamente importante y necesario ya cu ta premira cu e proximo añanan tambe lo tin hopi desafio ya cu lo sigui sinti e efectonan di e pandemia y lo mester sigui haci e cambionan necesario pa por adapta n'e situacion.

Directiva y Personal di KvK ta desea henter e pueblo di Aruba, especialmente nos comunidad empresarial, un bon y felis clausura y cambio di aña, manteniendo e reglanan vigente di distanciamento y di higiena pa protege nos mes, nos sernan keru y nos dushi Aruba.

Cambio di aña tabata tranquil pero dianan despues hopi druk

Analisis weekend largo di aña nobo na Departamento di Emergencia di Hospital



ANUALMENTE Dr. Horacio E. Oduber Hospital ta haci un analisis di bishitantenan cu a acudi na Departamento di Emergencia durante e weekendnan di fiesta. Aunke e aña aki Aruba a celebra fin di aña poco diferente y alabes cu un Toque de Queda, e cantidad di pashent cu a acudi pa sea ricibi atencion medico na Departamento di Emergencia of dokter na warda tabata 262 hende.

Na aña 2019 esaki tabata 357 y na 2018 tabata 332. Dor di e atake cibernetico cu HOH a pasa aden fin di 2019 a perde un ke otro informacion di e añanan anterior y pues no tin mucho material mas cu por compara.

E analisis a cuminsa dia 31 di december y a termina dia 3 di januari. Di e 262 persona un total di 111 a ricibi atencion medico na Departamento di Emergencia cual 59% ta masculino.

E edad di mas abou cu a atende na Departamento di Emergencia ta 1 aña y e pashent di mas grandi tabatin 92 aña.

Y alabes e grupo di edad cu mas a acudi Departamento di Emergencia ta entre 50 cu 64 aña.

Ta interesante tambe pa analisa e motibo di bishita durante e fin di siman di fin di aña. Di e 111 pashentnan cu a acudi na Departamento di Emergencia, 4 di nan tabata involucra den un accidente di trafico, 1 persona den incidente di violencia, 2 pa motibo di vuurwerk y 30 pa loke ta p.e. caidanan, verzwik enkel, corta etc.

E otro 74 casonan tabata pa motibonan cu no tin di haber cu traumanan fisico manera p.e. un atake di curason, sacamento, un of otro infeccion, reaccion alergico etc.

Di e 111 pashentnan cu a acudi na Departamento di Emergencia un total di 44 pashent a ser admiti den Hospital. Alabes mester bisa tambe cu 59% di pashent admiti ta masculino.

Hospital sigur kier desea tur hende un aña 2021 feliz y yena di salud. Tambe corda cu e casonan di Covid ta subiendone pues ta urgi tur hende pa mantene na reglanan di DVG di distanciamento social, evita aglomeracion y haci uzo bon uzo di mask den lugarnan publico. Y si bo ta sinti un di e sintoma nan yama bo dokter di cas.

Booshi Wever ta denuncia

Intencion pa silencia UPP cu carta intimidante di abogado

DIARANZON dia 30 di december 2020 e lider di UPP a wordo sorprendi pa un e-mail di abogado de Cuba unda den un forma intimidante kier trata na silencia UPP y su lider, den su lucha contra actonan corruptivo y/o di malgovernacion di cualkier Gobierno. Aki ta wordo referi na 2 articulo unda cu a base di un articulo di Bon Dia Aruba di dia 18 di december 2020, nos a cuestiona e supuesto nombramento di un “liaison officer” pa Aruba, cu pa colmo no tabatin un solicitud habri mes.

UPP a reacciona mas bien p’e motibo cu e persona cu a wordo menciona, ta conoci como e “vertrouwenspersoon” di Otmar Oduber, y consecuentemente na aparecer di UPP, esaki ta muestra con keto bay Otmar Oduber tin influencia den e gubernacion POREDmep.

Mientras cu awor ta acusa e lider di UPP cu e lo ta dañá number di e persona concerni, nos tin di bisa cu ningun momento nos ni a menciona number di e persona en cuestion.

Mientras cu Bon Dia Aruba si a publica e number por medio di un entrevista cu sr. Abrahams, t’e Minister Presidente a reacciona mencionando number di e confidente di Otmar Oduber den Amigoe di Aruba di dia 22 di december 2020.

Aki e MP a desmenti cu e persona aki a keda nombra como “liaison officer” pa Aruba. Y esaki a pone cu UPP un biaha mas a reacciona, indicando cu ta trata atrobe di un confusion of interpretacion diferente, of cu ta Hulanda t’esun cu ta nombra e “liaison officer”. Pesey ta straña nos cu no a bay pidi cuenta na sea MP mes, of na sr. Abrahams di Hulanda of na BDA, pero ta acudi cerca lider di UPP pa reclama “tekst en uitleg”.

Den ningun di e 2 articulonon nos a cuestiona estudio of experticio, ni integridad di e persona. Kizas pa desvia di loke UPP kier a trece dilanti, ta bin awor cu UPP kier a mishi cu e “integridad” y falta di estudio.

Esaki ta un simpel “cheap-shot”! Esey no ta kita afo cu UPP tin un opinion hopi cla den esaki y nos ta bolbe bisé, kizas awor mas cla!

Na nos opinion, e funcion di un “chief of staff” ta trece cune cu e persona aki ta hal-tura di tur loke ta pasa den un oficina di Minister, mescos tambe di TUR documentonan entrante y saliente. Un di e tareanan mas importante di un funcionario asina ta, pa cuida e Minister p’e no peca cu su huramentacion como mandatario. Ora cu un “chief of staff” scoge pa NO haci esaki, of di bira su cara otro banda, sea e no ta apto p’e trabou of deliberadamente e ta coopera.

Pesey nos ta keda straña cu e “chief of staff” aki na ningun momento por a lanta un “red flag”, sigur mirando awor cu ex-Minister Otmar Oduber tin 7 acusacion penal contra di dje. Y no lubida cu tin un denuncia di corrupcion, abuso di poder etc., etc. di e ex-Minister den e caso di e incenirator chikito, cu e lider di UPP a haci un denuncia oficial na Ministerio Publico! Y aki tampoco e persona en cuestion no sa nada di dje?

Y un actitud asina ta nifica pa UPP cu un persona asina simplemente NO por ta un “liaison officer” manera sr. Abrahams a declara den BDA. Y nos opinion ta bay mas leu cu un persona asina NO por ta involvi den un trabou manera esun cu e MP a trata na spli-ca. Y esaki no tin nada cu integridad y of su estudio!

Remarcabel ta cu ni e MP ni e persona en cuestion a pidi BDA pa rectifica e informacion cu nan a trece padilanti di e nombramento aki. P’e situacion ta bruha mas si nos wak cu apenas algun dia despues, via medianan online Hulandes, ta sali un vacatura p’e posicion aki, via di Ministerio di Koninkrijksrelatie. Mientras cu aki na Aruba nos por mira cu na prome instante a menciona number como e “liaison officer”, mas cu un siman despues ta sali vacatura p’esaki. Pues e informacionnan ta keda confuso.



Loke si UPP ta hopi contento t’e hecho cu e carta intimidante di e abogado ta bisa cu eventualmente lo cumenza cu un “bodem-procedure”! Den un tipo di procedura asina UPP lo tin e oportunidad di pidi TUR documento relevante y yama TUR testigo di moda cu nos por muestra cu nos tin tur motibo di bisa cu e persona aki lo no ta mas apto pa un funcion importante asina.

Pues cada bez cu UPP haya necesario pa muestra riba asuntonan asina ey, nos lo keda haci’e. Bo mester ta hopi ingenuo pa kere cu bo t’e confidente di un ex-Minister na 2 ocasion, y cu bo no ta wordo liga politicamente n’e Minister aki?

UPP kier evita pa Aruba wordo strangula mas ainda, sigur mirando e acuerdo traicionero di Black Friday cu Hulanda. UPP no ta kere cu un confidente di un ex-Minister cu den pasado a wordo yama e politico mas corrupto cu Aruba a yega di conoce, lo por t’e persona indica pa ta ni un postbode di Aruba. Y aki no tin nada di haber cu su estudio of si e ta integer of no.

Ta dor di keda keto y no lanta “red flag” pa e.o corrupcion of mal gobernacion a haci cu nos ta awe unda nos ta. Esaki sigur no ta pas den e NORMAL NOBO cu mester conta na prome lugar p’e politiconan, lider di UPP, Booshi Wever a conclui.

Sabiduria den nos alegria

Skirbi pa Ruthy "Lady Ruth" Vrieswijk-Bergen



“BON ANJA 2021” !!!!! ta nos grito di alegria den nos prome relato di 2021, cu cooperacion atrobe di nos prestigioso corantnan local, cu espacio pa nos pensamiento y sintimentonan cu por inspira nos lectornan. A peticion, nos ta bolbe manda nos relato na tur e 4 corantnan local, spera cu lo tin espacio atrobe pa nos relato cu nos ta skirbi cu curazon y amor pa nos dushi Aruba.

Nos temanan sa varia riba tereno local, social y cultural mas tanto. Nos kier a gradici tur cu a yega di traha y of coregi nos ortografia den nos dushi idioma Papiamentu.


Varios lector cu a ripara cu tin bes tin algun palabra skirbi diferente of un crenchi cambia, a pidi Lady Ruth, p’asina mes tog, sigui mande pa tur nos corantnan local cu ta skirbi Papiamentu y hasta a drenta e peticion pa manda nos relato pa corant cu ta sali na Corsou y Bonaire, pero nos no sa si esey lo bira posibel.



Nos lo informa aki aya si esaki ta posibel, nos no tin nan email pa haci nos peticion di curazon y nos manera di skirbi Papiamentu ta un crenchi diferente, nos no sa si nan lo tin tempo pa pone den nan Papiamentu, pasobra mayoria biaha ta un pagina A-4 t’e grandura y of largura di nos relato plus potretnan pa dorna e relato. Pero di curazon, masha masha danki p’e apoyo pa cu nos relato, cu nos ta purba di logra un bes pa siman, y si tin espacio nan lo publike di curazon.

Laga nos tur acepta 2021 yen di gradicimento na nos curazon cu fe den Bon Dios cu semper ta bon. Nos tur tin nos mesun experiencia y lesnan di bida pa siña y pasa den nan, nos tur sin excepcion ta pasa den nos “ups and downs”, pero asina mes cu tristeza ta bay man den man cu alegria, nos ta sigui baila y briya den e solo cu ta sali tur dia di nobo pa nos tur.

Dios ta stima nos tur, asina mes cu nos no ta comprende cosnan pasando tin biaha. Nos tur ta sufri, nos tur ta yora, nos tur ta hari y nos tur ta hala rosea ora nos lanta mainta cu gradicimento na Dios. Ban sigui tuma bida manera un bunita rega-





lo y bib’e dia pa dia. No preocupa mucho di cosnan cu a pasa ayera cu ta den pasado, y no anticipa mucho cos mañan, bo por keda decepciona y of desapunta ora cosnan no bay manera bo a spera.

No perde fe y speranza, sigui stima, sigui perdona y sigui cuida curpa, nos salud t’e rikeza di mas grandi cu nos cada un tin, asina mes cu nos cada un su beurt lo yega pa bay bek serca nos Creador. Pesey y pa mas motibo, sigui duna Dios danki pa bida y pa tur otro cos. Manera e cantica ta bisa: “One day at a time”. Como e poeta/artista escritor Lady Ruth, nos lo sigui hasi nos best pa sigui skirbi nos relatonan cu hopi amor y carino, sigui inspira tur rond di nos cu cosnan bon y bunita, y tin biaha cu criticanan constructivo. DANKI di curazon pa publicacion di nos prome relato pa aña 2021.

Cu e aña 2021 trece paz, tranquilidad, amor, pasenshi, alegria y sabiduria pa nos tur. Cu nos por sigui yuda nos prohimonan, sigui stima nos pida baranca Aruba y sigui ta un inspiracion y bendicion di luz pa tur cu cruza nos caminda den 2021. Love you too!!

Dos persona herida den accidente entre bromer cu auto




Diadomingo anochi algun minuut pasa di 9'or, un accidente di trafico a sosode altura di Wind Creek Crystal Casino. Tabata trata di auto cu bromer.

Na yegada di Polis, nan a constata cu e bromer a dal contra un auto. N'e sitio dos persona tabata herida.

P'e motibo ey, dos ambulance a presenta n'e sitio.

Polis a sera e pasada di trafico for di e brug, debi cu e personanan tabata parcialmente riba caminda y e Ambulance tabata mey-mey caminda.

Polis di Trafico a presenta pa tuma dato y haci e investigacion necesario.



Dama turista a dal cu su quadramer contra un auto den bocht na Santa Cruz



DIADOMINGO atardi algo prome cu 4'or, Polis di Santa Cruz y tambe di Trafico a bay n'e bocht di Piedra Plat cu ta bay pa Santa Cruz, unda un accidente a sosode entre un quadramer y un auto di famia.

Na yegada di Polis nan a topa cu un quadramer cu ta parti di un Island Tour mey-mey caminda para y cu daño material parti dilanti.

Un poco mas panort direccion pa Piedra Plat un auto Ford tambe cu daño material dilanti banda robes. Loke a sosode ta cu e Tour Guide a hisa su man cu n'e siguiente cruzada esun cu ta bay pa Fa Yang, nan lo mester bira. E dama turista manehando e quadramer a gewoon bira den e bocht y bay dal contra e Ford, siendo cu e tavata leu di e cruada. Polis di Trafico a tuma tur dato di ambos partido, e quadramer e compania lo mester a presenta cu tur e papelnan.



Rest In Peace

Aurora

Royal Pray

Funeral Home & Crematory

"Bou di alanan di Dios mi ta sigur"
Abo ku ta biba bou di amparo di Altísimo, ta hospedá den sombra di Dios Omnipotente, bisa Señor:
"Mi refugio, mi forti, mi Dios, den kende mi ta pone mi konfiansa"
Salmo 91:1-2

Cu dolor den nos curason,
nos ta anuncia fayecimento di nos ser stima:



Bruno Bargues

Mihor conoci como "Palao of Viejo"
*06-10-1937 - †25-12-2020

Acto di entierro lo wordo anuncia despues

Aurora

Royal Pray

Funeral Home & Crematory

"Bou di alanan di Dios mi ta sigur"
Abo ku ta biba bou di amparo di Altísimo, ta hospedá den sombra di Dios Omnipotente, bisa Señor:
"Mi refugio, mi forti, mi Dios, den kende mi ta pone mi konfiansa"
Salmo 91:1-2

Cu inmenso tristeza na nos curazon, pero conforme cu boluntad di Dios, nos ta participa fayecimento di:



Violeta Henrietta Zijlstra – Kock

Mihor conoci como "Enchie"
*13 juli 1953 - †23 december 2020

Acto di entierro lo wordo anuncia despues

Nos no ta ricibi condolencia na cas debi na reglanan di COVID/DVG

Aurora

Royal Pray

Funeral Home & Crematory

Awe Dios a pone corona riba e trabou cu Papi a cuminsa pa cria su familia.
Palabranan di tristeza profundo, gratitud y speransa ta yena nos corason: "Señor, guia Papi na bo luz duna nos forza pa sigui nos bida, agradecido pa tur loke cu Papi a nifica pa nos.

Cu inmenso tristeza den nos curason, pero conforme cu boluntad di Dios, nos ta anuncia fayecimento di



ALBERTO THIEL,

miho conoci como Ale, Pachi, Papi, Ali, Ondin, Mo Ali

* 8 APRIL 1925 - * 29 DECEMBER 2020

Casa: †ANGELICA (LICA) THIEL - MADURO

Yiunan:

Dolores (Doy) Thiel

Mayra Thiel y familia

Glenda Thiel y familia

Siegfried (Tito) Thiel y Lilian (Lilly) de Cuba y familia

Elvira (Mieke) y Milton Arends - Thiel y familia

Astrid Thiel

Alberto (Betto) y Marcia Thiel - Giel y familia

Janine y John Wardlaw

- Thiel y familia

Randolph (Randy) Thiel y familia

Geraldine (Dina) Thiel

Manera yiu: Jossy y Sophie Semeleer y familia

Nieto y Nietanan:

Mayrène y Glenn Marugg - Helmeyer y familia

John-Albert Thiel y Lindsay Geerman y familia

Yelitza y Herbert Domacassé - Helmeyer y familia

Renald Thiel y Michelle

Rupert Thijzen y Tiana de L'Isle y familia

Tito Wagib Thiel y Jo-Ann Geerman

Shawn Thijzen y Mary-Phil Marugg y familia

Eva Suyen Thiel y Jose Benavides Paz

Erwin-Milton Arends y Silviene Maduro y familia

Mary-Joan Wardlaw y Karel Arends

Shinton Arends y Maya Solis Marin

John-Joseph Wardlaw

Abetti George Thiel y Parnian Ajami

Bisanietonan:

Harvey, Jewel, Joah, Jeyah, Roman, Rowin, Deaveny, Everleign, Ledah, Ryzen, Kiki y Rocco

Tata y Mama: †Marco y †Maximina Thiel - Dubero

Rumannan:

†Olinda Thiel

Mani y †Jenny Lopez y familia

Anna y Simon (Chomon) Wouters y familia

Swa y cuñanan

Willem (Bubu) y †Bibi Maduro y familia

Lena y Pedro Kelly y familia

†Dico y †Linda Maduro y familia

Gabriel (Bill) y Sila Maduro y familia

María Maduro

Lucia y †Melvin Richards y familia

†Pina y †Hector Ras y familia

Frido y Deta Maduro y familia

Mariano y Betty Maduro y familia

Edwin y Anchi Maduro y familia

Le y Felicia Maduro y familia

Gerardo (Jado) y Doy Maduro y familia

Rosa y †Ceril de Cuba y familia

Swinda y Buchi Janga y familia

Ayudantenan:

Arelis, Nursability (Kim Hoo y team), Sulaika, Angi

Tur demas sobrino y sobrinanan, primo y primanan, comer y compernan, swa y cuñanan, ihanan, bon bisñanan, y demas amigo, amiga y conocirnan di Aruba Corsou, Boneiro, Merca, Colombia, Venezuela, Inglaterra y Hulanda.

Demas familia Thiel, Dubero, Lopez, Wouters, Fuentes, Arends, Maduro, Lampe, Vries, Helmeyer, Thijzen, Giel, Oduber, Werleman, de Cuba, Muyale, Wardlaw, Domacassé, Marugg, Krozendijk, Wever, Ras, Kelly, Everon, Richards, Dijkhoff, Tromp, Janga, Boekhoudt, Croes, y Semeleer.

Ta invita pa un acto di despedida cual lo tuma lugar na Santa Cruz 11, diamars 5 di januari 2021, for di 9:30 a.m. pa 11.30 a.m. den un forma di 'Drive Thru', pa por tuma despedida for di un pasada den auto. Ta pidi encarecidamente pa por drenta e caya for di e crusada di Notaris Tromp y ta sali na e splitsing di Napa. Despues di despedida, acto di entierro lo tuma lugar na Santana Catolico, Santa Maria na Santa Cruz den seno familiar.

Nos kier pidi disculpa si nos por a lubida di menciona algun familia den nos tristeza. Pa motibo di e situacion actual, relaciona cu salud publico, nos lo no por ricibi bishita di condolencia na cas. Nos mester mantene nos mes na e condicionnan di regla.

Aurora

Royal Pray

Funeral Home & Crematory

"Señor ta mi wardador, mi no tin falta di nada
Den cunucu di yerba berde e ta ponemiseoga
E ta hibaminaawatrankil,
Pa mi bolbehayaforsa"
Salmo: 23

Cu inmenso tristeza nanoscurazon, peroconforme cu boluntad di Dios, nos ta participafayecimento di:



Sr. Alejandro Faustino Boekhoudt

Mihorconocicomo: "Jaño"

*26-02-1935 - †27-12-2020

Na number di su:

Señora:

Ruperta (Betty)Boekhoudt- Boekhoudt

Yiunan:

Raymond y JaideBoekhoudt-Alfaro

Mariska y Michael Lin-Boekhoudt

Alvin y Jessica Boekhoudt-Kelly

Nieto/Nieta nan:

Alejandra Boekhoudt

Daniela Boekhoudt

Michelle Lin

Jonathan Lin y Aleksandra Gęsior

Dylan Boekhoudt

JesleneBoekhoudt

Rumannan:

†Francisca Boekhoudt

†Juanita Boekhoudt

Vda. Veronica (Janda) Dirksz-Boekhoudt y †Marco Dirksz

HendrikaBoekhoudt

Vicente (Kees) y Solange Boekhoudt-Salomons

Cuñanan: Irma Boekhoudt

†Aura y †George Nicolaas-Boekhoudt

Vda. ChiminaThijzen y †Nicolaas (Jaty) Thijzen y familia

Lucia y Ronny Arends-Boekhoudt y familia

†ElkaBoekhoudt

Erna y Herbert Croes-Boekhoudt

Sobrino/Sobrina nan: Gretha y Esteban Thiel- Dirksz

Yvonne y Anthony Laclé-Dirksz y familia

Astrid Dirksz

WiniDirksz

Vdo. Renny †Choy Dirksz-Wong y familia

Vda. Gwenneny †Jerry Lisapaly-Boekhoudt y familia

Meredith y Richard Gibson-Boekhoudt y familia

Tamara Boekhoudt

Consuegro(a)nan:

Erica Arends

Wincelao Esperanza Alfaro Luna

Feli y Editha Kelly

Suayudantenan di cas: Broeder Gregory Maduro,

ZusterGetruida Thiel y suenfermeranan di Wit GeleKruis

Primo y primanan, ihanan, comer ycompnernan, bisñanan, conocirnan y demasfamilia:

Boekhoudt, Alfaro, Lin, Kelly, Dirksz, Thiel, Laclé, Brouwer, Tromp, Wong, Salomons, Gibson, Lisapaly, Thijzen, Arends, Arends, Croes, Jansen, Alzate, Reyes, Hernandez, de Mey, de Freitas, Lampe, Luidens, Coronel, van Ierland, Yarzagaray, Ruiz, Damsma,Wallé, Huilca

Nos ta pidi disculpa si den nos tristeza nos por a lubida algun familia.

Ta invita pa acto di entierrocual lo tumalugardiamars 5 di januari

2021 di 2'or pa 4'or di atardi na Aurora Funeral Home &

Crematorydespuessaliendopa Santanacatolico Pastor

KranwinkelnaParadera.

Despues di entierro no ta ricibibishita di condolencia na cas.

Otro advertensia serio:

Kuerpo Polisial Kòrsou a punto di krèsh!

WILLEMSTAD - Reakshon riba e sermon ku bosero di polis Imro Zwerwer a duna siman pasa no a tarda pa bini i un kolega a reakshoná kaba riba e 'voice' di sr. Zwerwer ku a bai rònt.

Pa años kaba, Gobièrnunan ta kere ku e wegá di bala esta e voetbal aki, por hunga ku 5 hende riba 45+ di parti di KPC, sin reserve, ku ta traha dag/avond - avond/nacht, kontra 11 hende (kriminalidat) di 18+ fresh fresh ku reserve, keriendo ku por skore i bira kampion tambe.

Berdad nos tin responsabilidad pa kumpli kune, pero un hende kansa mentalmente i fisikamente kombina ku su edat, ki bo tin na dje?

Nunka a sòru pa rehubenese e Korps, pero a reklutá 13 hende keriendo ku e por sera buraku di 200 hende ku mester. Antes hende ta bin traha paso nan gusta e trabou, awor aki hende ta bin traha pa paga gastunan di fin luna. Gewoon e Korps aki ta demotivá te den su higrá. Na Aruba i Bonaire tur santu aña tin werving. E lamunchi KPC no tin awa mas pa saka.

E outor ta duna KPC, 5 aña mas, si no werf por lo menos 75 hende di 18+ den e temporada ku ta bini. E ora ei sr. Zwerwer no lo manda voice so, pero grita den su telefon, ku su rason, pero pa falta di inkumplimentu di Gobièrnun. KPC ta na rand di bai krèsh. Ban spera NAPB i SAP hasi algu purá.


Aurora

Royal Pray

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemiseoga.
E ta hibaminaawatrankil,
Pa mi bolbehañaforsa".
Salmo: 23

Nos ta anuncia fayecimento di:



Carmen E. Lugo

*06-10-1949 - †30-12-2020
Na number di su:

Rumannan: Ito Lugo y famianaHulanda
Wilfred Lugo y famia
Lilian Hoek y famia

Subrino y subrinanan, primo y primananna Aruba y Venezuela

Su bon bisñanan di Dakota y Tarabana.

Ta invita pa e acto di entierro cu lo tumalugardiahuebs 7 di januaridi 2'or pa 4'or di atardinaAurora Funeral Home despueslo sali pa Santana Central SabanaBasora.


Aurora

Royal Pray

Funeral Home & Crematory

"Dios a tira un bista den su jardin y a topa un espacio bashi. Despues su mirada a pasa ariba tera y a mira bo cara cansa. El a pone su brasa rond di bo y a hibabo pa bo por sosega. Esta bunita ta Dios su jardin. E ta scohe solamente e mihor."

Conforme cu boluntad di Dios y gradecido na loke el a haci y nifica pa nos, nos ta participa fayecimento inespera di



Sr. Albert Albertico Quandus

Mihor conoci como "Tico, Papa Tico of Mo Tico"
*27-07-1957 - † 02-01-2021

Acto di entierro lo wordo anuncia despues.

Oportunidad pa condolencia : na Washington 8-B di 7:00 pa 9:00 di anochi

WHEN SOMEONE YOU LOVE BECOMES A
MEMORY.....
THAT MEMORY BECOMES A TREASURE.

Aurora

Royal Pray

Funeral Home & Crematory

Laga tur loka ta spera mi ta bunita
Laga tur locual cu mi encontra na caminda ta bunita
Laga tur locual cu mi laga atras keda bunita y
Laga esakinan termina den tur buniteza.
Cado Wever.

Cu inmenso tristesa na nos curason y alabes agradecido pa tur loka e a significa pa nos, nos ta anuncia fayecimento di:



Carlos Canisio Kelly

Mihor conoci como "Caluchi"
Na edad di 79 aña

Na number di su:
Ruman: Nicasio y †Maria Kelly
Cuña: Sra. Vda. Julia Kelly-de Cuba
Sobrino(a)nan: Sixta y Jozef Kelly y yunan
Juliana y Carlos Kelly y yunan
Filomena Tromp y yunan
Roy Tromp y Clavel Tromp-Leest
Bernadeta y Ignacio Gomez y yunan
Sonia y †Mario Schwengle y yunan
Leon y Maria Tromp y yunan
†Andres y Lea Tromp y yunan
Petra y †Benedicto Boekhoudt y yunan
Juanita Tromp
Juan Tito y Eveline Tromp y yunan
Pedro y Beatrix Tromp y yunan
Tecla Tromp
Anthony Thode
Ludwina Kelly
Albertico Kelly
Gregory Kelly
Sira y †Felix Ramada y yunan
Elvira y †Nicasio de Cuba y yunan
Robertico Kelly y Maximina Werleman y yunan
Primo y primanan
Bon amigo: Miguel Boekhoudt
Tur ex coleganan di Tamarijn Beach Hotel
Famia: Kelly, Tromp, Boekhoudt, Britten, Webb, Farro, Henriquez, Wolf, Peasch, Sawney, Thode, de Cuba, Schwengle, Gomez, Arends, Everon, Ramada, Brete, Krozendijk, Carasquero, Koolman, Croes, v/d Linden, Ramchandani, Lampe, van Cleef, Rosa y demas famia.
Ta invita tur amigo, bisña y conoctr pa asisti na acto di entierro cual lo tuma lugar na Aurora Funeral Home diaranson 6 di januari 2021 di 2'or pa 4'or di atardi. Despues lo sali pa Santana Catolico na Paradera. Disculpa nos si den nos tristesa nos por a lubida algun famia of conoctr.

Aurora

Royal Pray

Funeral Home & Crematory

"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa frankil,
Pa mi bolbe haña forsa".
Salmo: 23

Nos ta anuncia fayecimento di:



Pablo Enrique Quandt

*17-08-1961 - †31-12-2020

Na number di su:

Tata: †Bartolo Quandt
Mama: †Nora Quandt Alvarez
Yiu: Paula Quandt
Rumannan: Juan Roberto y Florencia Hoek
†Pedro Clavier Quandt
†Luis Rufino Quandt
Efrain y Sonia Quandt
Isidoro Quandt
Orlando Quandt y Jeannine Zijlstra
†Basilio Cuan
Silvio Quandt
Carlos Quandt y Yolanda Henriquez

Subrino y subrinanan na Aruba, Hulanda, Merca
Primo y primanan na Aruba, Colombia y Venezuel

Tanta na Colombia: Alicia Figueroa

Su bon amigonan cu ta mucho hopi pa menshona

Demas Famia: Cuán, Quandt, Alvarez, Ridderstap, Henriquez, Llanes, Correa, Hoek, Gomez, Zijlstra, Figueroa, Tromp, Plaza, Paula, Kemp, Carty, Boye, Zievinger, Martis, Palm, Petrona, Sofia, Odor, Reyes, Dania, De Cuba, Smolders.

Nos disculpa di curason si nos por a lubida un of otro familiar den nos tristesa

Ta invita pa e acto di entierro cu lo tuma lugar diahuebs 7 di januaridi 3'or pa 4'or di atardi na misa Pro Catedral San Francisco na Playa despues saliendopaa Santana Central Sabana Basora.

Ku aserkamentu diferente....

Elsa Rozendal ta drenta filanan di Partido Democraat



WILLEMSTAD - E notisia ku tabata den gestashon pa algun siman kaba, a keda oficialmente konfirma pa e propio protagonista Elsa Rozendal cu e ta oficialmente afiliá na Partido Democraat. E simiya tabata plantá kaba i a floresé oficialmente ku e anunsio di Elsa Rozendal mes ku ela afiliá na Partido Democraat pa sirbi pueblo ku mas efektivitat.

E biaha aki ku un aserkamentu diferente pa komo pueblo nos logra resultadonan diferente pasobra sigi hasi e mesun kosnan i spera ku esei lo duna nos resultadonan diferente a demostrá di forma kla ku nos pueblo no ta avansá.

Den Partido Democraat den su konstelashon nobo tin un koriente fuerte i ku ta determiná pa bai hasi e diferencia através di un programa di akshon ku ta duna speransa pa pone Kòrsou riba un nivel mas ayá.

Rozendal ta impreshoná ku Partido Democraat su programa di akshon pa Elekshon di aña 2021 pa duna nos pueblo speransa riba un futuro brillante.

E programa di Partido Democraat ta kontené suficiente aspektonan ku por

kuminsá duna resultado durante di e promé 6 luna pa un aña di gubernashon na benefisio di nos pueblo.

E enfoke di e programa di Partido Democraat den su konstelashon nobo entre otro ta pa aserká desaroyo ekonómiko na un manera diferente enfokando riba desaroyo di tur yiu di Kòrsou komo ser humano.

Tata i tianan di Elsa Rozendal a militá den tempunan di gloria di Partido Democraat i no tin motibu ku e tempunan aki no por retorná ounke tempu a kambia i ta difisil.

Awe el a kumpli ku deseo di su tata Boy Rozendal dor di jòin partido Democraat. Ku e antorcha sendé sendé di partido Democraat ta bai iluminá e kaminda pa hasi Kòrsou un pais manera nos tur ta anhelá.

Partido Nashonal a presentá su 29 kandidatonan



WILLEMSTAD - Den e dianan ku ta tras di lomba, Partido Nashonal di Pueblo e presentá tur su kandidatonan pa elekshon 2021 na miembronan i públiko.

Durante un enkuentro pa sera aña, den un akto simbólico, e kandidatonan a forma un kadena i kologá esaki na un palu di koko, komo muestra di union i fortaleza.

Ruthmilda Larmonie-Cecilia i su tim serio i determiná ta kla pa elekshon 2021.

E lista kompletu di tur 29 kandidato ta konsistí di kandidatonan ku den resiente pasado a yega di okupá posishon di mandatario manera líder politiko te promé puesto i abogado Kit Martina na number dos. E legado di difuntu Ricardo Isebia ta perpetua riba e lista ku number di Dwight Isebia serando lista.

1. Ruthmilda Larmonie-Cecilia, 2. Ornelio 'Kid' Martina, 3. Sheldry Osepa, 4. Gwendell Mercelina Jr., 5. Elvin Gerard, 6. Corinne Djaoen-Genaro, 7. Ruisandro Cijntje, 8. Johnny Isabella, 9. Idelgard Sosa, 10. Lisette Jansen, 11. Nooi Girigori, 12. Rayan Rafaela, 13. Riglène Cristina, 14. Efren Candelaria, 15. Salvatore Cappadonna, 16. Kelly Gerard, 17. Giovanni Ignacia, 18. Oswin Pikero, 19. Sharline Schmidt, 20. Nelson Willems, 21. Tyrone De Palm, 22. Ulrich Sandy Pauletta, 23. Dearly Constansia, 24. Giandro Ignacio, 25. Luis Provacia, 26. Wilson James, 27. Aufrudys Emelina, 28. Rick Steward, 29. Dwight Isebia,



AWEMainta

E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL

BONERIANO®

EDITOR:
Bonaire Communication Services N.V.

Djaluna 04 yanüari 2021 | Preis: \$0,60

MEDIDANAN A BIRA MAS SEVERO




Pone bo kámara
di telefon riba e
'barcode'

Dam di Onima den tur su gloria



**Proverbio
di dia:**
*Awa a kaba,
muchu
chikitu ta
hunga ku
pishi ku lodo.*

Dam di Onima ta den tur su gloria e dianan aki. Apesar ku e bordo di dam tin un buraku grandi aden, e dam ta wanta hopi awa ainda. Fo'i e dam aki a sali atraves di añanan un kantidat enorme di patia. Semper, tambe promé ku a traha e bordo di dam di piedra pegá ku e boka di Onima na kosta, e área aki di Onima tabata kontené awa. Den páginanan interior mas informashon i foto di Onima.



\$10 FREE SLOT PLAY

Sign up for your **FREE** Player's Card and receive \$10 in **FREE** Slot Play!

Open Monday - Saturday 8pm to 4am | Sunday 7pm to 3am | (599) 717-3504
diviflamingocasino.com | ATM available

DIVI FLAMINGO CASINO



CHANGAN

www.dabboussimotors.com

[f /dabboussimotors](https://www.facebook.com/dabboussimotors)

Hopi hende a neglishá e situashon

46 Kaso positivo den un siman so

Kralendijk -- Mas hende a tèst e último dianan ku den e simannan ku ta tras di lomba. Esei ta nifiká tambe ku ta hañando mas resultado positivo di e tèstnan. Asina dòkter di Salubridat Públiko di Entidat Públiko Boneiru (EPB), Marian Luinstra-Passchier, a trese dilanti durante e konferensia di prensa riba e di dos dia di Aña Nobo relashoná ku e subída preokupante di e kantidat di kasonan positivo riba nos isla. E siman aki so, 46 persona a tèst positivo pa Covid-19, Luinstra-Passchier a bisa.

“E vírùs di corona ta aktivo na Boneiru. Naturalmente el a bini di afó. Pero aworakí e ta bou di nos. Nos ta mira ku mas hende ta pega ku e vírùs. E vírùs por plama, pasó hopi hende no ta tene nan mes na instrukshon di higiena, òf no ta wòri mes ku nan.

Tin hende ku no tin kunes mes. E sifranan ta mustra resultado di esaki. Nos no por hasi manera e vírùs no tei na Boneiru. E tempu di no wòri a pasa”, e médiko ta spièrta.

Desaroyo

Segun e dòkter eksperto den asunto di Coronavírùs, na departamento di Salubridat Públiko ta hasi nan bèst pa haña un bon bista di e kasonan. Luinstra-Passchier: “Hopi hende a keda kana ku keho i no a bin tèst. Awor ta sali na kla ku nan a pega ku e vírùs.

Tabatin hende ku a pensa ku e vírùs di corona no ta na nos isla. P’esei nan no a bin tèst.”

Investigashon di fuente

Pa haña un bista di e kasonan tin mester di hasi investigashon di e fuente i kontakto. Ku esaki kier evitá ku e vírùs ta sigui plama. Sinembargo ta un ehersisio ku ta tuma hopi tempu i trabou. P’esei ta yama e personanan ku un hende ku a pega ku e vírùs tabatin kontakto kuné i ta pone nan den karentena.

Un biaha mas e médiko ta hasi un yamada na esnan ku mester bai den karentena, pa tuma esaki na serio. E ta pa protehá e persona mes i esnan den su alrededor, Luinstra-Passchier a enfatisá.

“E ta importante pa protehá e personanan rònt di bo. P’esei ta importante pa yama asina bo tin keho.

Mas lihé nos sa ku bo a pega ku e vírùs, mas mihó esei ta. Asina ei abo ta evitá ku bo ta kontagiá otro”, el a bisa.

Fiesta i iglesia

Sekshon di Salubridat Públiko di Entidat Públiko Boneiru a hasi un análisis di e asina yamá ‘klùsternan’, esta gruponan di kontagio, pa saka afó ken e personanan ta ku a tèst positivo. For di esaki ta bin dilanti ku ta trata di habitantenan di Boneiru. Den e cluster di personanan ku a pega ku e vírùs tin algun grupo grandi i algun chikitu, pues grupo di kontagio.


Den klùster 2, e koló hel ta indiká ku un persona ta parti di e grupo akí, pero ku ta den investigashon. Serka e delaster seis personanan nos no ta mira un konekshon ku otro grupo ainda. Den e gruponan akí ta trata di famia, amigu i kolega.

Ta sali na kla for di e investigashon di fuente ku den misa i iglesia tambe tin persona ku a pega ku e vírùs.

Un klùster nobo ta un grupo ku a surgi for di un fiesta. E grupo aki por sigui krese ainda, Luinstra-Passchier a splika. No por mira esei ainda riba e plachi, ya ku Salubridat Públiko no sa di tur hende unda e fuente ta. Ta sigui investigá esei ainda.


Un biaha mas ta hasi yama pa si un persona tin keho ku por tin di aber ku Covid-19, pa no keda kana rònt kuné. Keda kas i yama 0800-0800 pa traha un sita pa tèst.

Kantidat di kaso positivo nobo



Mas informashon: [Gobièrnu di Boneiru](#) [www.bonairecrisis.com](#) Lila di informashon viria di corona: **0800 0800**

Clusters



Mas informashon: [Gobièrnu di Boneiru](#) [www.bonairecrisis.com](#) Lila di informashon viria di corona: **0800 0800**

Kasonan a bira 58

KRALENDIJK -- E sifranan di mas resien ta mustra ku di e 43 hendenan ku a tèst pa Covid-19, 12 a resultá di ta positivo. Riba 3 di yanüari tin 58 kaso aktivo di Covid-19 na Boneiru.

Tin 156 persona ku a rekuperá i tin 1 persona hospitalisá pa motibu di Covid-19. Bo tin keintura, doló di garganta òf kualke otro síntoma relatá na Covid-19? Keda bo kas i yama

0800-0800.

Mantené e instrukshonnan di higiena. Kome salú, drumi sufisiente i move regular pa hisa bo resistensia. Kuida bo mes i esnan rondó di bo.

Boneiru

Sifranan COVID-19

3 di yanüari 2021

Aktivo	Rekuperá	Den hospital	Fayesé
58	156	1	3
Positivo	Negativo	Di tèst	Den karentena
217	2914	3131	151

Relashoná ku plamamentu di Covid-19

Iresponsabilidat di nos hendenan

KRALENDIJK -- "Ta duele di mira resultado di irresponsabilidat di nos hendenan relashoná ku plamamentu di Covid-19. Den henter e asuntu di Covid-19 mi a tende komentario i su-gerensia kon hisa bo resistensia i e palabra mágiko ku tur hende a usa ta kuida. Gezaghèber Rijna i Marian Luinstra ta duna informashon sumamente komprendibel pa evitá mas kontagio, pero nos sa mihó i ta sigui e teoria di kòmplot ku ta otro i no nos." Esaki Arthur Sealy ta trese dilanti den un komunikado, relashoná ku e oumento eksplisivo di kasonan di Covid-19

na Boneiru e dianan ku a pasa.

Bakuna

Di akuerdo ku Sealy, si te ainda nos no ta kere ku mester di un sosiólogo pa muestra kon mester anda ku komportashon di hende, e asuntu di bakuna ta bai bira un problema na Boneiru. "Nos ta na altura kon e pensamentu tokante e bakuna ta? Kon ta influensia esnan ku ta kontra? Logístikamente mirá tin basta trabou pa hasi i si tur kos kana bon por kuminsá sigur den fin di febrüari kuminsamentu di mart." Sealy ta splika ku e ta keda positivo

i skirbi tokante algun hende ku ta karga responsabilidat pa Boneiru ta bon protehé. E a sigui tur reunion ku a trata e medidanan di urgensia. Konseho Insular mester a kohe e zuai i ta hasié na e manera korekto.

Sealy: "Mi no ta duda ku tin krítika tambe riba kon e reunionnan a bai. E diskushonnan den Konseho Insular tabata hopi alkaso i tabatin sufisiente espasio pa hasi polítika i ponensianan fuerte te rant di ta personal."

Sobresalí

Tres persona na konsepto di Arthur Sealy a

sobresalí den Konseho Insular durante e diskushonnan tokante Covid-19. Nan ta Gezaghèber komo presidente di Konseho Insular i e konsehalnan Renata Domacassé i Clark Abraham.

"Mi sa ku tin keho riba Clark su forma di presentá su puntonan, pero p'ami esaki ta trabou di un konsehal, bai te na e límite ku riesgo di bai den 'kòrà', loke a pasa tambe. Renata semper tabata trunkilo i na un manera korekto bon argumentá ku e pensamentu 'mi no sa tur kos', pero mi ta habrí pa otro pensamentu'. Renata tambe su pasenshi por kaba i 'blousá' wowo di un ko-

lega pa poné na su punto." "Gezaghèber tabata dirigí e reunionnan na un manera demokrátiko, espasio pa tur pensamentu i fuerte den defendé su ponensianan ku argumentonan bon fundá. Mi ta kompará Gezaghèber ku un dosente dilanti di un klas trabahoso. Te ainda e tin e klas bou di kontrol, ounke tin biaha konsehal Bernabela a pidi presidente pa pone òrdu. Mi tabata mira den Edison Rijna, Renata i Clark. E personanan di aña te na momentu ku mi a lesa tokante Nathanael Zimmerman su kreashon úniko. Nathanael p'ami ta e persona di aña."

Pader Alphonsus Baak:

Niun matrimonio na Coromoto

KRALENDIJK -- Den aña 2020 tabatin 28 entiero unda pader Baak a asistí na parokia di Coromoto, Antriol - Nort di Saliña. Baak a señalá ku den hopi famia tabatin fèdris tambe pa fayedamentunan kruel i

ònferwagt.

No tabatin niun matrimonio dor di e medidanan di Covid-19. 48 Mucha a batisá.

Ampliando riba loke a pasa den su parokia, pero tambe komentando suseso-

nan lokal, Baak a trese dilanti ku Obispado a haña 4 saserdote nobo ku a ordená 3 di òktober den katedral di Pietermaai.

"Nos fiesta patronal tabata algu speshal. Imelda Soleana, Federica Silberie

i Marietje Frans-Schermer a haña un kondekorashon papal. Algu úniko pa nos parokia. Bon meresí", e saserdote a bisa.

Pader Baak a sigui bisa ku su sirbidónan a haña un patron: "Beato Carlo Acutis ku awor for di shelu ta resa pa nan ta keda fiel na e sir-

bishi na altá. Tambe nan a haña paña nobo."

Desèmber a selebrá San Nicolas, ku a bini pa bishitá e parokia dia 6 di desèmber. "Misa nèchi dòrná pa ourora i Pasku. Mainta di kòfi na un manera di kana thru di carport. Pero tur kos a bai bon."

Entrante aña 2021

Uso ortografia etimológiko den sekshon di Aruba

KRALENDIJK -- Entrante awe, 4 di yanüari 2021, e notisianan den e sekshon di Aruba di BONERIANO, lo aparesé den e ortografia ofisial di e pais aki, ku ta ortografia etimológiko.

Pues no mas den ortografia fonológiko, ku t'e ortografia ofisial di Boneiru i Kòrsou.

Manera por ripará, despues di algun luna ku

BONERIANO a bira un korant diario, posishoná riba su mes, a inkluí tambe un te dos página ku notisia prosedente di Aruba. Despues a agregá un te dos página tambe di Kòrsou.

Te ku fin di aña, mas tantu pa mantené uniformidat den BONERIANO, nos redakshon tabata kambia e artíkulonon di Aruba for di ortografia etimológiko pa ortografia fonológiko, loke

ta tuma sinembargo hopi tempu. P'esei redakshon di BONERIANO a opta pa laga nan den nan ortografia original etimológiko.

Riba su mes e ortografia etimológiko ta fásil pa lesa. E ta basá riba skirbimentu di un palabra basá riba su orígen.

Extra, tata/mama di BONERIANO, tambe ta pone notisianan di Aruba den nan ortografia ofisial.

A suspendé oranan di bishita na Mariadal

KRALENDIJK -- Fundashon Mariadal ta intensifiká e medidanan di prekoushon debí na e oumento resien di e kantidat di kontagio ku COVID-19 na Boneiru. Por lo pronto no ta pèmití bishitá na nos pashèntnan i klientenan den hòspital (Sentebibu), Kas di Kuido i Ka'i Mimina.

Naturalmente kuido pa nos pashèntnan lo kontinuá, pero bishitantenan òf akompañantenan por dren-

ta hòspital solamente den kasonan eksepsional.

Ta pèmití bishita solamente si e spesialisista òf dòkter di hòspital duna pèmit pa esei. Bishitantenan ku den forma di eksepsion haña pèmit pa dreña, mester kontestá algun pregunta na entrada di hòspital.

Pa tur hende ku dreña hòspital lo siguiente ta na vigor: bisti un tapaboka, desinfektá man, mantené un distansia di 1,5 meter.



EDITORIAL

Ban drenta aña nobo ku positivismo!

Nos a drenta aña 2021, despues di tabatin un aña pisá tras di lomba, karakterisá pa e pandemia di Covid-19. Ainda e sikatrisnan t'ei i sin duda lo bini mas aserka, pasobra lo dura basta ainda pa por tin e pandemia aki bou di kontrol.

Nos ta kere ku hustamente na e momentu aki ta importante pa nos trata na drenta aña 2021 ku ánimo positivo. Mira interes di Boneiru, puntra kiko nos por hasi pa Boneiru, na lugá di puntra i spera kiko Boneiru por hasi pa nos.

E último añanan tin un ambiente di negativismo kologá den aire riba e isla aki. Hende ta reklamá i kritiká tur kos. Si nan no papia òf skirbi riba facebook nan no ta sinti nan mes bon. Tur

kos ta malu, nunca algu positivo! Inkreibel. Tur kos asina por ta malu riba e isla aki?

Mira kon ta ataká Hulanda. Nos ta e último pa bisa ku tur kos ta kanando bon bou di Hulanda. Naturalmente tin kos ku mester di atenshon. Pero kompará nos situashon ku otro isla i paisnan nos besiña. Nos ta biba den paraiso.

Si bo ta haña bon di kritiká ta bo derecho i kisas te asta deber. Pero planta rabia i odio den e pueblo aki sí ta aseptabel.

Laga nos tene kabes friu, demonstrá respèt pa otro. Laga e karakterístikanan dje bon boneriano resaltá.

Gezaghebber Edison Rijna:

“Mi ta spera ku e hendenan a siña nan lès”

KRALENDIJK – Gezaghebber Edison Rijna, ta spera ku e hendenan ku a organisá enkuentronan ku a kondusí na e plamamentu di coronavírus e último siman na Boneiru, a siña nan lès. E ta haña ku di parti di gobièrnu a hasi suficiente intento pa spièrta komunidad di Boneiru pa no organisá eventonan grandi durante

di e dianan di fiesta tras di lomba i pa kambio di aña. Asina e promé mandatario a trese dilanti riba e pregunta, dikun gobièrnu no a bisa ku suficiente antispashon ku no mag organisá ningun aktividat públiko den e periodo tras di lomba.

E crítica ta ku outoridatnan por tabata na altura ku

lo bai tin fiesta, ya ku esaki a keda anunsiá riba medionan sosial. Tambe por a dedusí for di diferente preparashonnan den kaya ku lo bai tin eventonan.

Gezaghebber sinembargo ta di opinion ku a hasi suficiente pa evitá loke a pasa. “Esei ta loke nos a keda bisa konstantemente den publisidat via di e wèp-

sait di gobièrnu i diferente spòt den medionan. Nos a keda bisa ku no por tin enkuentro ku mas di 20 persona. Tambe Supervishon i Mantenshon i polis a spièrta horeka i esnan ku kier a organisá fiesta. Nan tabata na altura ku no por tin fiesta”, Rijna a bisa. Sinembargo no por tin polis i mantenshon i supervishon tur kaminda

presente, el a bolbe ripití.

Rijna: “Tin fiesta ilegal a tuma lugá i e konsekuensianan nos ta sinta kuné. Mi ta spera ku e hendenan a siña nan lès i ta realisá nan mes ku nos no ta kier hasi fastioso i ta kontra fiesta, No ta protehá nos salú na Boneiru i ta bisto kiko e konsekuensia por ta.”

Marc Hooijschuur na su lugá

Pader Baak ta bai dia 14 di yanüari

KRALENDIJK -- Pader Alphonus Baak ta bandoná Boneiru dia 14 di yanüari awor pa asumí e funshon di pastor di parokia Barber. Su baimentu Kòrsou tin di aber ku nombramentu di pader Marc Hooijschuur komo kapelan di prison (JICN) aki na Boneiru. A logra pa e bira e pastor nobo di parokia Coromoto di Antriol.

Pader Baak a bisa durante santu sakrifisio aña nobo ku konsekuensia ta ku e tin ku bai Kòrsou. Pader Marc

lo bini Boneiru dia 12 di yanüari i e lo bai Kòrsou 14 di yanüari.

Baak a bira hopi popular serka su parokianan. Durante e periodo ku el a traha na Boneiru Baak a logra yena misa di Coromoto ku hopi hende, no solamente di su parokia, sino tambe di otro parokianan.

Anke ku pader Baak no a mensioná esaki, por spera kambio tambe den parokia San Luis Beltran di Rincon. Tin informashon

ku pader Ivan Dario Gomez lo bandoná e parokia aki pa asumí un funshon komo enkargado di e organisashon CARITAS di Iglesia Katóliko. CARITAS ta enkargá ku trabou i obranan di karidad di e iglesia aki, ku sentro Antriol Pariba.

Na lugá di pader Ivan parse pader Ranulfo, awor segundo pastor na Playa, lo bai Rincon. Oficialmente sinembargo no a anunsiá e kambio aki ainda.





Mi ke deseá tur esnan ku ta sigui mi moveshonnan den korant, radio, televishon i riba facebook un felis aña 2021. Nos tin un aña pisá tras di lomba, marká pa un pandemia poderoso i kruel, ku a desareglá kasi tur kos riba nos 'dushi Boneiru', manera mi amiga Morela Sterling ta yama e isla aki. I Boneiru tá un dushi isla.

Apesar di tur kos, e aña pisá ku a terminá anochi 12'or, m'a drenta aña 2021 ku ánimo i optimismo. Tambe ku speransa i deseo ku e aña nobo aki lo ta otro, ku e lo trese kos bon pa nos tur. M'a skohe intenshonal, den forma premeditá, pa laga mi yu hòmber Danielson (Danny, Dansk òf Duniduni) tabata e promé persona pa deseá mi bon aña. Di mes tambe pa ami dun'é felis aña 2021. Asina aña a drenta pa nos i eifó pa Boneiru. Nos tin un relashon hopi spesial ku otro, kisas pasobra mi ta rekonosé den dje mas kos di mi mes ku serka mi otro yunan, anke tur bia mi ta kompará nan ku 'tres evangelio', den sentido ku den kada ún rekonosé algu di mi.

Mi pashon di mas grandi ta historia, kultura i naturalesa. Mi tin un amor grandi i inkondishonal pa Boneiru, isla na unda m'a nase i na unda mi mayornan a dera mi lombrishi 65 aña pasá i na unda lo dera e loke sobra na final di mi kurpa. Mi lombrishi asina a bin meskla ku tera di e isla aki, birando un ku Boneiru. Boneiru ta 'mi, i ami ta Boneiru. Esei djis pa boso tur sa kiko mi ta pensa.

Mas i mas m'a disidí pa mi mes, pa trata te na e último dia ku mi por ta aktivo ainda den e bida aki, pa reskatá nos herensia kultural históriko-kultural. Esaki ta mi pashon i el a bira mi mishon. Mi ta hasié ku amor, asistí pa un grupo di boluntario ku afortunadamente ta kresiendo dia pa dia. Hendenan ku tambe ta mira e importansia pa gara informashon di pasado, warda nan, pero tambe pa ekshibí nan pa e generashon aktual mira, tende i sinti.

Mi mester atmití ku nos fundashon, Fundashon Históriko Kultural Boneriano (FuHiKuBo), a haña rekonosementu internashonal e aña aki, na momentu ku UNESCO a aseptá nos komo miembro NGO den área di ICH (Intangible Cultural Heritage) - Patrimonio Kultural Intangibel. Esaki sigur lo yuda den nos trabounan di futuro.

Na final: Felis Aña 2021!

MEDIDANAN A BIRA MAS SEVERO

KRALENDIJK -- Gezaghebber Edison Rijna a anunsiá djasabra ku e medidanan pa prevenshon di Covid-19 na Boneiru a bira mas severo. Esaki mirando e oumento di kasonan positivo den e dianan ku a pasa. E promé mandatario a bisa ku e ta desapuntá ku aña a habri nos ku e mal notisia ku tin 17 kaso nobo di hende ku a pega ku e vírüs di corona na Boneiru.

"Na tur nos tin awe (djasabra) 46 kaso aktivo di COVID-19 i tambe mi kier mensioná ku awe a atmití e promé pashènt na hospital pa motibu di COVID-19. Esei ta serio i tin mi preocupá. En partikular pasobra tin indikashon ku e vírüs ta serka nos. No ta asina ku ta hende di afó a bini kuné", gezaghebber Edison Rijna a bisa.

Segun Rijna, den pasado el a splika vários biaha, ku ta tuma medida mas severo ora e kantidat di kaso nobo di COVID-19 sigui subi. I ta tene kuenta ku e sifranan por sigui subi mas di loke a mira den e dianan ku ta tras di lomba. Pasobra awor aki no sa ainda kuantu hende a pega durante kambio di aña.

Medida nobo

"Awor ku nos tin 17 kaso nobo i na tur 46 kaso aktivo, ta ora pa tuma medida mas severo. Entrante djadumingu 3 di yanüari te ku djaluna 18 di yanüari 2021 ta bai e siguiente medidanan ta konta. Ta regla tur medida ku tin di aber ku fase tres den un dekreto di gezaghebber huntu ku e Lei Temporal Medidanan COVID-19. Ta permití un máksimo di 10 hende na enkuentro den seno privá na kas. Mucha te 13 aña no ta inkluí. Ta konsehá hende

vulnerabel, manera nos grandinan, òf hende ku tin un malesa króniko, pa nan keda kas", Rijna a bisa.

Establesimentunan di hóreka por usa maksimal 50% di nan kapasidat. Tur hende mester sinta na lugá fiho. Tur estableimentu di hóreka mester sera dies'or di anochi. Diskotèk i kas di plaser ta keda será.

Souna, kasino i teater di sine por keda habrí basta nan usa maksimal 50% di nan kapasidat. Kasino mester stòp di sirbi òf bende bibida i kos di kome 10 or di anochi, i kasino mester sera 12 or di anochi.

Iglesia

Rijna a sigui splika: "Ta supliká tur misa i iglesia pa durante misa òf sirbishi okupá un máksimo di 50% di e espasio disponibel. Ta konsehá tambe pa no kanta. Despues di misa òf sirbishi ta konsehabel pa tur hende bai kas mesora."

Pa loke ta trata enkuentronan deportivo paden Rijna a bisa mester usa un máksimo di 50% di kapasidat di e lugá di deporte pa enkuentro deportivo paden. Pa aktividat di deporte pafó no tin restriksion. Na enkuentro deportivo paden i pafó no ta permití públiko. Despues di e enkuentro tur hende mester bai kas mesora."

Traha na kas

Rijna ta konsehá pa tur trahadó traha mas tantu ku ta posibel na kas. Hende ku un trabou di kontakto manera hasidó di kabei, trahadó den salón di uña, por sigui traha basta nan bisti tapaboka.

"Tur tienda i pakus por keda habrí. Na pakus i tienda un máksimo di 2 hende



di kada kas por drenta. Akohida pa mucha i tur tipo di skol ta keda habrí. Na tur skol i akohida di mucha, adulto mester mantené 1,5 meter di distansia di otro", gezaghebber Edison Rijna a indiká.

E mandatario a asentuá ku e dekreto di emergensia ku tin awor, e 'noodverordening', ta keda na vigor. For di dezèmber aña pasá, den e dekreto di emergensia ta fiha solamente e reglanan pa hende ku ke biaha bini Boneiru. E reglanan ei ta keda konta. Tur hende ku ke bini Boneiru mester hasi un PCR tèst, e resultado mester ta negativo. Nan mester yena tambe un deklarashon di salú di departamento di Salubridat Públiko.

Responsabilidad

"Nos kada un ta responsabel pa tene nos isla seif. Pa kuida nos mes i otro nan. Nos departamento di Salubridat Públiko ta traha duru pa evitá ku e vírüs di

corona ta plama. Nos por logra esaki solamente si abo, ami i nos tur koperá", Rijna a bisa.

El a pidi pa mantené 1,5 meter di distansia i kumpli ku e reglanan manera tosa i nister den bo èlebog. Si e sifranan di infekshon sigui subi, lo bini ku medidanan mas severo pa kombati esaki.

"Manera mi a bisa, aña a habri nos ku mal notisia. Ta keda na nos awor pa sòru ku e situashon di COVID-19 na nos isla no bira dia pa dia mas pió. Nos ta un isla chikitu i nos kuido di salubridat profeshonal ta limitá. P'esei kuida. Kuida bo mes i kuida esnan rònt di bo. Pa bo mama, tata, tanta, tio wela, amigu i konosinan tur keda seif. Aña pasá na sèptèmber ora nos tabatin basta kaso di COVID-19, nos a logra kontrolá e situashon basta lihé. Mi ta konta ku nos por logra esaki e aña akí atrobe", gezaghebber Edison Rijna a bisa.

Uzo di telefòn miéntras ta manehá

E malechor mayó den tráfiko

KRALENDIJK -- Uzo di telefòn miéntras ta manehá outo ta e malechor mayó den tráfiko, esta kousa di aksidentenan di tráfiko. Kuerpo di Polis di Hulanda Karibense (KPCN) ta preokupá pa e desaroyo aki na Boneiru i den fin di aña a manda un mensahe general di advertensia pa outomobilistanan no kometé e infrakshon aki.

"Uzo di telefon miéntras ta manehando ta hinka bo mes, pero tambe otronan, den peliger. Pasobra ora nos ta uza nos telefòn nos ta ménos alertá. Pone bo telefòn for di bista. Asina bo ta prevení e tentashon pa wak tòg. Ora bo ta partisipá den tráfiko, sea ta ku outo òf riba baiskel, ta importante pa bo ta konsientemente presente. Si bo tin un persona ku ta ferwagt un

mensahe òf yamada di bo, mèldu nan promé ku por ehèmpel bo subi outo, ku bo no ta bai ta alkansabel pa un ratu", KPCN ta informá.

"Tambe atendé ku radio, kome miéntras bo ta manehá òf enfoke di mas riba e tráfiko bo ta tras, ta gran distraishon. Sòru pa bo a kome promé bo subi outo. Tambe pone bo emisora favorito mesora. Wak regularmente den bo spilnan kiko e tráfiko rondó di bo ta hasiendo, pero no keda ku atenshon pa e otro usuario di kaminda so. Wak bo dilanti. Asina bo no ta bai kore muchu serka di esun bo dilanti i bo ta prevení di keda sorpresá di un manera desagradabel dor di tráfiko ku ta kore pokopoko."



Gezaghebber Rijna tirando bista riba 2020

“Diripiente speransa a bira desesperashon”

KRALENDIJK -- "Boso ta kòrda kon optimista nos a mira futuro un aña pasá? I kon diripiente speransa a traha lugá pa desesperashon? Ta bon ku nos a laga 2020 nos tras i nos por kuminsá un aña nobo den kua nos ta subi e kaminda pa recuperashon.

Nos no ta kla ainda ku e vírùs, pero esei ta parse un kestion di tempu." Asina gezaghebber Edison Rijna a duna di konosé na kuminamentu di su diskurso di aña nobo.

Bakunashon

Segun Rijna, bou di direkshon di e departamentu di Salubridat Públiko ta traha duru pa ta prepará pa entrega di e promé bakunanan, pa asina por kuminsá rápidamente ku bakunashon. "Asina ku e fecha eksakto ta konosí, e

lo informá di esei. E ora ei tambe ta bira konosí ken ta na burt ki dia. Pues wanta un ratu mas ku pasenshi i sigui tene distansia, laba man i biba salú."

Rijna: "Danki na e bakuna, nos por mira dilanti atrobe, na e tempu ku nos por anda ku otro normalmente atrobe. Pero bèk na e 'normal bieu', ta algu ku nos no mester ke. Durante e krisis di corona nos a demonstrá komo komunidad di ta fuerte, ku nos ta solidario ku esnan mas vulnerabel bou di nos, ku nos komo pueblo no a desanimá, pero hustamente ta disponé di un kapasidat di recuperashon enorme. Nos ta muchu mas fuerte ku nos mes ta kere. P'esei no laga nos kai bèk den e 'normal bieu', sino ban traha na un 'normal nobo'."

Dependiente

Di akuerdo ku gezaghebber Rijna, e krisis di corona a siña entre otro ku pa e prosperidat i bienestar di Boneiru, e isla ta muchu dependiente di turismo. P'esei mester amplia ekonomia di Boneiru. Por ehèmpel ku invershon den agrikultura, krio di bestia i peska. Esei no solamente ta krea empleo nobo, sino ta mas bentahoso pasobra importashon ta karu. I ta mas salú tambe ora no mester transportá produkto fresku hopi dia den kònteiner.

Rijna: "Ku ta huntu nos ta enfrentá e krisis di corona, mester duna nos konfiansa propio. P'esei mi ta bisa: kere den bo mes, no bai pensa dikun algu no por, sino buska kon si por. No sinta warda, sino tuma iniciativa bo mes.

"Laga nos hasi di 2021

e aña di un normal nobo i mas mihó. Esei ta bai mihó si nos hasié huntu, meskos ku nos ta kombati huntu

tambe e vírùs di corona i e krisis. Union ta hasi forsa", Rijna a konkluí.



En bista di oumento di kontagio nobo

Temor pa kresementu eksploivo di COVID-19

KRALENDIJK -- Tin un temor grandi den komunidat ku por bai spera un kresementu eksploivo atrobe di kasonan di COVID-19, meskos ku a sosodé masoméno kuater luna pasá, na momentu ku por a identifika algun núklo di plamamentu di e vírus aki, entre otro na e klínika di dòkter Hermelijn i Duana - Servisio di Impuesto. Durante e dianan di kambio ya kaba e kasonan a subi te asta bula 15 kaso aktivo.

Departamento di Salubridat Públiko pa medio di un komunikado di prensa a pidi tur hende pa en bista di e oumento di kaso di kontagio lokal nobo, mantené 1,5 meter di distansia i pone atenshon èkstra.

Kontagio lokal

Den e último dianan di aña 2020 Boneiru tabatin seis kaso di kontagio lokal nobo. Den dos kaso di kontagio ta konosí ku e fuente ta pafó di Boneiru. E fuente di e otro kuater kasonan ta desconosí. Esaki ta nifiká ku tin kontagio na Boneiru ku Salubridat Públiko no tin bon bista ariba. E departamento ta tene kuenta ku den e dianan benidero e kantidat di kaso ta oumen-

tá. Gezaghebber Edison Rijna a deklará anteriormente na desèmber, ku lo por bini ku medida mas severo si e kantidat di kaso di kontagio sigui subi.

Salubridat Públiko a purba pone tur persona ku tabatin kontakto ku e seis personanan infektá den karentena. Esaki tabata pa evitá ku nan por a sigui plama e vírus. Pero ta di lamentá ku nan no a logra esaki ful.

Fiesta di Nilo

Loke tabata ampliamente komentá siman pasá tabata hendenan ku lo a kontagiá ku e vírus na un fiesta ku e konosido siudadano Nilo Emerenciana a organisá pa selebrá su 61 aña. Esaki a sosodé na kunuku di un primu di dje den área di Flor de Cuba.

Sin mensioná e sitio i nòmber di Nilo Emerenciana, e departamentu di Salubridat Públiko a hasi mension sí di 'un fiesta', pero opviamente refiriendo na é fiesta aki. "Algun persona infektá tabatin algun biaha hopi kontakto ku persona ku nan no por saka afó ta ken. Ta trata di personanan ku tabata den grupo

grandi kaminda no a tene distansia di 1,5 meter. Esaki a pasa por ehèmpel na un fiesta òf na misa. E personanan infektá no sa presis ku ken nan tabatin kontakto. Pa e motibu akí Salubridat Públiko no por drenta den kontakto ku nan."

Mensahe

Nilo Emerenciana mes, riba instrukshon di Salubridat Públiko, a manda un mensahe pa e hendenan ku tabata na su fiesta kasi 10 dia pasá. E mensahe ta bisa: "Bonochi mi hendenan. Mi ta spera ku boso ku tabata presente na kunuku pa mi selebrashon di kumpleaño a disfrutá. Lástima ku awe djaluna mi a wòrdu informá dor di GGD ku un di e integrantes di e banda musikal awe a tèst positivo pa COVID."

Emerenciana seguidamente a pidi esnan ku a haña síntoma di fèrkout, tosa-mentu, doló di garganta, kentura, doló di kabes, òf ku no ta sinti bon, pa laga hasi un tèst pa Covid.

P'esei bo ta yama telefòn 0800-0800. I si tin síntoma tene nan mes den karentena te ora ku haña resultado di e tèst."



Dòkter Marian Luinstra-Passchier.

Ménos kontròl

"Den e lunanan ku a pasa nos a logra kontrolá COVID-19 bon. Nos ta preokupá ku awor nos tin ménos kontròl, komo ku tin fuente desconosí. Nos ta hasi lo máksimo pa señalá e kasonan di kontagio na tempu i asina evitá ku e vírus ta sigui plama," dòkter Marian Luinstra-Passchier di Salubridat Públiko a deklará.

"Pa e motibu akí nos ta pidi habitantenan i hende ku t'ei pa vakashon pa nan

paga èkstra tinu. Tene 1,5 meter di distansia i kòrda ku ken bo tabatin kontakto."

Tuma akshon

Luinstra-Passchier a hasi un yamada tambe pa hende tuma akshon mesora ku nan tin keho ku por tin di aber ku COVID-19. "Ora bo tin keho, no warda wak kon esei ta desaroyá. Yama 0800 0800 i hasi un tèst mas lihé posibel. Keda kas te ora ku bo sa si bo ta infektá òf nò."



Nilo Emerenciana a manda mensahe pa hendenan ku a bai su fiesta.

Elogio pa Nathanael Zimmerman

KRALENDIJK --- Gezaghebber Edison Rijna den su diskurso na fin di aña a elogiá e hóben Nathanael Zimmerman. Den dia Nathanael ta studiante di MBO na SGB i anochi empresario eksitoso. E hóben aki ta diseñá den forma hopi bunita.

Gezaghebber Rijna: "Mira kuantu hende ta kana kaba riba kèts ku e mes a diseñá. Tuma ehèmpel di e

inisiativa i mentalidat empresarial di e hóben aki i otronan ku ta insentivá den e tempu di krísis aki."

Di akuerdo ku gezaghebber Rijna, sin duda ku kreatividat i espíritu empresarial por pensa mas aktividat ku ta aselerá e rekuperashon i na mes momentu hasi nos komunidat mas resistente.

Table with 30 columns containing lottery numbers and categories. Includes sections for TIEN, TALEN, ZES, DRIE, EEN, and DUIZEND. The table lists various numbers and their corresponding categories across multiple rows.



Kor San Francisco de Asis a sera 2020

KRALENDIJK— Kor San Fransisco de Asis, último siman di 2020 a sera aña. Integrantenan a reuní, kòmbersá di loke a sosodé i kon ta sigui den 2021. Despues di a hasi orashon na mesa, nan a sisti e stoma i den dushi ambiente papia, hari, hasi wega i saka potrèt.

etersz ku ta kanta durante santu sakrifisio di misa. Pues e grupo solamente ta kanta kantika ku ta den Misal di Pueblo. Meta di e grupo ta pa simplemente animá durante misa, miéntras parokianonan tambe ta kanta.

palabra. Kualke momentu ku un persona ta deseá pa nos presentá, si tempu ta pèrmití, nos ta hasié. Esei ta nos motibu di eksistensia", e dirigente di e kor, Fittipaldi Pietersz, ta trese dilanti den un komunikado di prensa. Kor San Francisco De Asis ta manda deseonan pa un felis 2021 pa tur hende.

"Nos ta deseá e aña nobo aki yen di felisidat i un salú fuerte, pa nos kontinuá huntú."

Futuro

Plan ta pa e kor den 2021 presentá den tur iglesia katóliko na Boneiru. "Nos ta kanta, gosa den Señor su

Meta

Kor San Francisco De Asis ta un grupo di mucha bou di guia di Fittipaldi Pi-



Lianxiang Supermarket ku pagara

KRALENDIJK—A pesar di e situashon fastioso di coronavírus, gerente di Lianxiang Supermarket a kima un pagara. Den seno di algun miembro di famia i algun kliente besina, a

sende un pagara bispu di 2021.

Despues di e pagara tabatin algu pa refreská e garganta i spera yegada di aña nobo. Potrètnan ta ilustrá un parti di e momentu.



Dam di Onima den tur su gloria

KRALENDIJK -- Dam di Onima ta den su gloria e dianan aki. Apesar ku e bordo di dam tin un buraku grandi aden, e dam ta wanta hopi awa ainda. Fo'i e dam aki a sali atraves di añanan un kantidat enorme di patia. Semper, tambe promé ku a traha e bordo di dam di piedra pegá ku e boka di Onima na kosta, e área aki di Onima tabata kontené awa.

Den idioma arowak ku e promé habitantenan di e isla aki a papia, e palabra Onima ta referí na un teritorio yen di awa. Sigur e indjan òf amerindionan ku a bini mas despues, esnan di tempu di serámika ku a introdusí agrikultura riba e isla, tabatin mester di teritorionan asina pa nan planta nan produktonan.

Uytrecht

E promé menshon di Onima den historia skirbí ta bini di Felix van Uytrecht. Dia 15 di yanüari 1825 van Uytrecht ta biaha pa Boneiru ku e brik yamá pa 'Twee Zusters' pa hasi investigashon i inventari-

sashon, ku deskripshon di pos, tanki dam i terenonan dje isla aki.

Aparte di menshoná e posnan ya eksistente i konosí, Van Uytrecht ta referí na un pos ku a koba den e área di Bolivia, ku e tempu ei tabatin e nòmber di Broheta. E awa tabata di bon kalidat i el a sugerí pa kuminsá ku un krio di karné den e área ei.

Onima

Un rekomendashon importante di Van Uytrecht tabata pa traha algun dam tambe na Boneiru pa wanta awa prosedente di yobida, pa asina drecha kalidat di e awa bou di tera i alabes haña awa pa bestia bebe. El a sugerí pa traha un dam spesialmente na Onima, pegá ku Rincon.

E vaye di Onima, pariba di e seru Koumati, semper tabata un teritorio na unda awa tabata konsentrá den temporada di yobida. Diferente roi tabata transportá awa for di e serunan alreedor, manera Koumati, Seru Kunchi, pa e teritorio aki.

Un parti di e awa aki



tabata bai laman atraves di Bok'i Onima. E pueblo boneriano mester a hiba un lucha tenas den su eksistencia pa loke ta trata awa di bebe i pa su uso diario. Kontrario na Kòrsou, Boneiru no tabata bendishoná ku un kantidat grandi di pos di awa dushi.

Djòs Hart

E dam di Onima su tempu di gloria tabata siglo pasá, for di añanan binti te yega ainda dékada sesenta,


un kantidat enorme di patia i otro fruta di ranka, manera melon, pampuna i kalbas largu tabata sali for di e teritorio aki. Tabata den tempu ku José (Djòs) Hart tabata manehá e plantashi aki.

Aparte di bende e produktonan aki riba merkado lokal, tabatin asina tantu patia ku Djòs tabata eksportá pa Kòrsou.

Awendia un komersiante di orígen indio ta doño di Onima. E ta awor un teri-

torio bandoná. Un reserva enorme di awa pará pòrnada. Si mester limpia e dam aki, drecha su bordo pegá ku Bok'i Onima, lo por tin awa pa produsí tur patia, melon, pampuna i mas mes na Boneiru.

E masa di awa aki en todo kaso tin awor tòg un funshon komo atrakshon pa paranan di awa. Asta nos famoso flamingo ta haña kuminda i sinti su mas na kas den e dam.



Personal di WEB a parti pakete di Pasku

KRALENDIJK -- Resientemente trahadónan di WEB a hasi entrega di paketenan di Pasku na algun famia aki na Boneiru. Sèmper na fin di aña nos ta tuma tempu pa reflehá riba logro òf metanan alkansá. 2020 Tabata un aña ku hopi desafio. Hopi ta esnan ku a eksperensia momentunan difisil pa motibu di malesa, desempleo, pèrdida di un ser kerí òf debí na e situashon aktual pa motibu di Covid-19.

Water –en Energie Be-drijf Bonaire N.V (WEB) a

lansa un proyekto pa duna bèk na e pueblo boneriano i hasi 50 famia kontentu ku un pakete di Pasku. E proyekto aki a karga e nòmber: "It's Christmas in the heart that put's Christmas in the air" - Ta Pasku den kurason ku ta pone Pasku den aire.

Temporada di Pasku ta un bunita i dushi temporada pa kompartí algu di nos kurason ku komunidat. Empleado di WEB mes a prepará tur e paketenan i repartí esakinan dia 17 di dezèmber último.



Sabana ku pagara di kaya pa kaya

KRALENDIJK—Bario Sabana un bia mas tabatin su pagara di kaya pa kaya. Djaweps 31 di anochi lat aña pasá, algun habitante Sabana a reuní i kuminsá harma den Kaya Brusselas i Kaya Roma, un pagara. Esaki ta nan kustumber di tur aña. Manera 12'or a bati i e promé sekònden an a

kuminsá kontu den 2021, a sende e pagara ku a kuminsá den un kaya i krusa bai tèrminá den un otro kaya, ku un eksploshon enorme di e parti final. Asina hendenan di Bario Sabana a drenta aña nobo i ta spera e ta un bon pa kaba famia riba e pida baraka ku yama Boneiru.



FAC Falki Aviation Bonaire



Leren vliegen begint bij ons. Je brevet halen in 3 maanden.!!

Tur ku kumpli ku rekisito mester haña tereno

Otorgamentu di tereno erfpacht sin korupshon

KRALENDIJK -- ASOTEKO, e asosashon lantá pa abogado Michiel Bijkerk, ta sigui boga pa otorgamentu di tereno erfpacht sin korupshon. Den su segundo kaso den korte, ASOTEKO ta pidi Korte pa tende testigu.

"E promé testigu lo ta Sr. Etienne van der Horst. E tabata hefe di DROB na Boneiru pa tres aña. E sa presis kiko a pasa. E por splika bou di huramentu kon ta posibel ku gobièrnu no ta otorgando niun tereno awor aki. E sa tambe ki sorto di korupshon a tuma lugá den servisio di DROB.

Ta p'esei nos kier kuminsá ku Sr. Van der Horst komo testigu."

Di akuerdo ku ASOTEKO, bou di guia di Sr. Van der Horst, DROB a entregá un 'Kadernota Grondbeleid' na Konseho Insular. For di novèmber 2019. Te ainda Konseho Insular no a aprobá e Kadernota aki. E Kadernota

ta kontené proposishon bon i malu, pero ta Konseho Insular mester sa kiko nan kier. I dikon.

Stanká

"Si Konseho Insular no sa esei, nan no ta kapas pa goberná. Tur kos ta stanká awor aki, pasobra nos polítikonan no ta move. ASOTEKO ta urgi nan pa studia e Kadernota bon, indiká kiko mester kambia i vota riba dje. No sigui hasi NADA!", segun e komunikado emití pa ASOTEKO.

Mester kuenta sí ku e Kadernota ta bisa ku tin 1180 hende riba lista di esperat pa tereno pa kas. I tin 460 pa tereno komersial. Esaki ta un bèrgwensa total pa gobièrnu.

"Dikon boso ta laga mas ku 1600 hende na kaya asina? Ta tempu pa nos haña un gobièrnu ku sa kiko nan kier i ku ta move."

Korupshon

ASOTEKO ta sita e

Kadernota: "Mester konstatá 'ku e forma di proseder aktual no ta duna e resultado deseá' (pg. 7). Pa supstansiá esaki e Nota ta duna e siguiente ehèmpelnan: a) tin 1180 petishon pa tereno pa kas i 460 pa tereno komersial; b) tin spekulashon ilísito ku tereno di erfpacht; c) tin 'kriteria ménos kla' pa otorgá tereno (loke nan kier men aki ta: 'tin korupshon den otorgamentu di tereno').

Segun ASOTEKO, e Kadernota ta bis'é bon. E sistema aktual no ta funshoná.

E sistema di otorgamentu ta korupto. Hende mester di kavel pa nan traha kas riba dje. Pero gobièrnu no ta prepará kavel.

Solushon ta simpel: Gobièrnu tin ku prepará 1500 kavel nobo pa traha kas awor. Por hasi esei den 3 luna di tempu. Despues, tur hende ku ta kumpli ku e rekisitonan tin ku haña.



Petishon pa tende Etienne van der Horst komo testigu.

Bai kas

Gobièrnu a faya barabamente i no ta ni tuma esaki na serio. Ta p'esei ASOTEKO ta bisa: Manda e gobièrnu aki kas! Nan a haña sufisiente tempu kaba! laga otro gobièrnu purba!

Por lesa tur dokumento di e kaso aki na: www.arcoarib.com.

Klek riba 'CourtCases', bai na Kaso no. 14. Sí, Fundashon 'GoldenMeandSociety' a hiba 14 kaso di derecho humano kaba.

A trata e kaso den Korte dia 16 di desèmber 2020. Korte lo disidí si nos por tende testigu dia 27 di yanüari 2021.

Clive Marchena a fayesé

KRALENDIJK -- Nèt promé ku aña a sera Clive Marchena a fayesé. Clive tabata un empresario konosí den komunidad boneriano, fundadó di e empresa Culti-

mara ku a operá den Playa. El a operá e empresa aki despues huntu ku su primu Ramonsito Booi.

Clive Itelio Marchena a nase dia 5 di mei 1937

na Aruba. Masoméno 50 aña pasá el a regresá su isla natal pa kuminsá ku Cultimara den e tempu ei Kerkweg, ku despues a bira Kaya Lodewijk D. Gerharts. Cultimara tabata un supermerkadu bon surtí. Mas despues el a muda pa e anterior edifisio di Kralendijk Supermarket, operá pa Henderson. Huntu ku Ramonsito Booi nan a kumpra Kralendijk Supermarket.

Clive tabata un persona hopi kerí den komunidad boneriano. E tabata hopi aktivo tambe durante paradanan di karnaval.

E último añanan di su bida Clive Marchena tabata bishitante frekvente di Ka'i Mimina, partisipando den aktividatnan di e lugá aki.



1020	250	3067	200	5063	600	7167	200	9124	600	10946	600	12889	600	14854	350	16795	600	19087	200	21167	200	23076	600	25368	600	27567	200	29807	600	32067	200	33967	200
1046	600	3080	600	5067	200	7200	600	9137	600	10954	350	12897	600	14855	600	16797	600	19102	600	21581	600	23081	600	25384	600	27581	600	29820	600	32087	600	33967	200
1054	350	3093	600	5071	600	7220	250	9150	600	10967	200	12909	600	14867	200	16820	250	19120	250	21591	600	23098	600	25402	600	27619	600	29822	600	32100	600	33967	200
1065	600	3096	600	5120	250	7230	600	9167	200	10969	600	12919	600	14894	600	16833	600	19139	600	21220	250	23120	250	25426	600	27620	250	29854	350	32104	600	33967	200
1067	200	3117	600	5127	600	7240	600	9178	600	10973	600	12930	250	14899	750	16854	350	19154	350	21254	350	23136	600	25426	600	27620	600	29857	600	32113	600	33967	200
1082	600	3120	250	5154	350	7248	600	9179	600	10979	600	12932	600	14901	600	16867	600	19161	600	21267	200	23154	350	25454	1000	27654	350	29867	200	32120	250	34020	250
1107	600	3135	600	5167	200	7254	350	9185	600	10985	600	12954	350	14920	250	16870	600	19167	600	21320	250	23167	600	25455	1000	27663	600	29905	600	32154	350	34020	250
1120	250	3154	350	5172	600	7259	600	9187	600	10990	600	12963	600	14954	350	16904	600	19187	600	21334	600	23196	600	25459	1000	27667	200	29920	250	32167	200	34032	600
1154	350	3166	600	5190	600	7261	600	9216	600	10996	600	12964	600	14967	200	16920	250	19220	250	21354	350	23205	600	25467	200	27694	600	29954	350	32167	600	34054	350
1167	200	3175	200	5193	600	7267	200	9220	250	11000	600	12967	200	14993	350	16954	350	19243	600	21365	600	23219	600	25514	600	27701	600	29964	600	32171	600	34054	350
1171	600	3176	600	5220	250	7267	600	9220	600	11020	250	12974	600	14997	600	16967	600	19243	600	21367	600	23220	250	25520	250	27720	250	29967	200	32209	600	34067	200
1204	600	3220	250	5220	250	7292	600	9232	600	11045	600	12987	600	14997	600	16986	600	19247	600	21420	800	23254	350	25538	600	27754	600	29972	600	32210	600	34112	600
1220	250	3254	350	5254	350	7319	600	9244	600	11054	350	12992	600	15020	250	17042	600	19354	350	21510	600	23367	600	25654	350	27829	600	29998	600	32220	250	34112	600
1230	600	3237	600	5267	200	7320	250	9254	350	11067	200	13003	600	15020	250	17042	600	19354	350	21510	600	23367	600	25654	350	27829	600	29998	600	32220	250	34112	600
1254	350	3245	600	5288	600	7333	600	9260	600	11086	600	13003	600	15020	250	17042	600	19354	350	21510	600	23367	600	25654	350	27829	600	29998	600	32220	250	34112	600
1267	200	3254	350	5294	600	7342	600	9267	200	11076	600	13003	600	15020	250	17042	600	19354	350	21510	600	23367	600	25654	350	27829	600	29998	600	32220	250	34112	600
1279	600	3267	200	5298	600	7354	350	9267	600	11090	600	13003	600	15020	250	17042	600	19354	350	21510	600	23367	600	25654	350	27829	600	29998	600	32220	250	34112	600
1292	600	3320	250	5300	600	7367	600	9281	600	11120	250	13003	600	15020	250	17042	600	19354	350	21510	600	23367	600	25654	350	27829	600	29998	600	32220	250	34112	600
1299	600	3320	250	5300	600	7367	600	9281	600	11120	250	13003	600	15020	250	17042	600	19354	350	21510	600	23367	600	25654	350	27829	600	29998	600	32220	250	34112	600
1303	600	3349	600	5320	250	7398	600	9289	600	11139	600	13003	600	15020	250	17042	600	19354	350	21510	600	23367	600	25654	350	27829	600	29998	600	32220	250	34112	600
1320	250	3354	350	5321	600	7409	600	9346	600	11140	600	13042	600	15079	600	17061	600	19368	600	21527	600	23408	600	25666	600	27867	600	29998	600	32220	250	34112	600
1328	600	3355	600	5327	600	7420	800	9348	600	11154	350	13054	350	15115	600	17067	600	19408	600	21554	350	23454	1000	25667	200	27901	600	29998	600	32220	250	34112	600
1351	600	3366	600	5343	600	7426	600	9354	600	11166	600	13056	600	15120	250	17109	600	19409	600	21567	200	23459	600	25682	600	27907	600	29998	600	32220	250	34112	600
1354	350	3367	600	5354	350	7431	600	9367	600	11177	200	13056	600	15120	250	17109	600	19409	600	21567	200	23459	600	25682	600	27907	600	29998	600	32220	250	34112	600
1355	600	3378	600	5367	600	7433	600	9382	600	11177	600	13077	600	15148	600	17134	600	19435	600	21581	600	23480	600	25699	600	27934	600	29998	600	32220	250	34112	600
1356	600	3386	600	5377	600	7439	600	9395	600	11216	600	13092	600	15154	350	17154	350	19454	1000	21596	600	23494	600	25718	600	27954	350	29998	600	32220	250	34112	600
1367	600	3420	800	5420	800	7452	600	9415	600	11220	250	13102	600	15167	200	17165	600	19458	600	21620	250	23520	250	25720	250	27967	200	29998	600	32220	250	34112	600
1373	600	3440	600	5423	600	7454	1000	9415	600	11238	600	13120	250	15220	250	17167	200	19467	200	21644	600	23545	600	25747	600	27987	200	29998	600	32220	250	34112	600
1377	600	3454	1000	5425	600	7459	600	9421	600	11252	600	13133	600	15222	250	17173	600	19520	250	21654	350	23546	600	25754	350	27987	200	29998	600	32220	250	34112	600
1411	600	3458	600	5434	600	7463	600	9421	600	11252	600	13133	600	15222	250	17173	600	19520	250	21654	350	23546	600	25754	350	27987	200	29998	600	32220	250	34112	600
1420	800	3467	200	5454	1000	7467	200	9421	600	11252	600	13133	600	15222	250	17173	600	19520	250	21654	350	23546	600	25754	350	27987	200	29998	600	32220	250	34112	600
1421	600	3520	250	5458	600	7470	600	9419	4000	11254	600	13162	600	15251	600	17220	250	19567	600	21671	200	23567	200	25784	600	27987	200	29998	600	32220	250	34112	600
1450	600	3528	600	5467	200	7472	600	9420	600	11258	600	13162	600	15251	600	17220	250	19567	600	21671	200	23567	200	25784	600	27987	200	29998	600	32220	250	34112	600
1453	600	3554	350	5468	600	7507	600	9420	600	11267	200	13162	600	15251	600	17220	250	19567	600	21671	200	23567	200	25784	600	27987	200	29998	600	32220	250	34112	600
1454	1000	3566	600	5473	600	7508	600	9421	4000	11273	600	13162	600	15251	600	17220	250	19567	600	21671	200	23567	200	25784	600	27987	200	29998	600	32220	250	34112	600
1467	200	3567	200	5477	600	7520	250	9421	600	11318	600	13162	600	15251	600	17220	250	19567	600	21671	200	23567	200	25784	600	27987	200	29998	600	32220	250	34112	600
1473	600	3598	600	5520	250	7520	600	9422	1500	11319	600	13162	600	15251	600	17220	250	19567	600	21671	200	23567	200	25784	600	27987	200	29998	600	32220	250	34112	600
1507	600	3620	250	5550	600	7554	350	9423	1500	11320	250	13162	600	15251	600	17220	250	19567	600	21671	200	23567	200	25784	600	27987	200	29998	600	32220	250	34112	600
1520	250	3620	600	5554	350	7567	200	9424	1500	11334	350	13162	600	15251	600	17220	250	19567	600	21671	200	23567	200	25784	600	27987	200	29998	600	32220	250	34112	600
1534	600	3654	350	5567	200	7607	600	9425	1500	11335	600	13162	600	15251	600	17220	250	19567	600	21671	200	23567	200	25784	600	27987	200	2					

Premier Evelyn Wever-Croes

2020 A siña nos hopi!

ORANJESTAD -- Premier Evelyn Wever-Croes den su discurso na cambio di aña a bisa ku 2020 a siña Aruba hopi cos. "E aña akita casi tras di lomba, ela siña nos cosnan bon y cosnan menos bon. Principalmente, e la siña nos cu nos mester di otro y cu hunto nos ta logra hopi mas. Nos ta publica su discurso den forma integral.

"Aña 2020 a cuminsa bon. E lo tawata e prome aña cu un surplus financiero den nos presupuesto. Resultado di trabou duro di nos Minister di Finansa y su ekipo, y sacrificio di henter nos país. E tawata e aña cu nos lo a inverti den scolnan nobo, den vivienda social, den casnanpa cuida di nos grandinan.

E tawata e aña cu nos lo a mira resultado positivo di e manehocu nos a binta implementa desde november 2017 ora mi a huramenta como Prome Minister, den cual nos a pone e ser humano central.

Sin embargo 13 di maart tur cos a cambia momento cu na Aruba Covid a bati na nos porta. Un crisis mundial cu a cuminsa den paisnan grandi a yega nos isla. Pero nos Arubianonan a demostra curashi pa enfrent'e.

Crisis Team cu ta consisti di nos Arubianonan profesional a sa di bin hunto y guia Gobierno di Aruba na controla e virus na un manera hopi eficiente, unda cu paisnan grandi tawata kibra cabes pa tene e casonan bou control, mas tanto posibel.

Nos no a gana e batalla ainda. E retonanta bira cada biaha mas grandi, pero nos tin awor mas conocimiento y mas experiencia pa enfrenta e retonan.

E ventaha tawata cu nos tawata bon prepara, y nos

ta agradecido na e vision di nos Minister di Salubridad.

Nos polisnan a muestra nan capacidad di enfrenta e crisis cu medidanan no popular pero si eficiente. Bou guia di Minister di Husticia nos Frontliners a traha oranan largo pa scapa bidanan den nos pais.

Gobierno di Aruba no a ría pa bini cu un maneho pa evita retironan masal, Minister di finansa a bin cu loonsubsidie, pa yuda empresanan mantene e trahadonan na trabou, y Minister di Asunto Social y Labor a anuncia FASE, cu ta un sosten financiero pa esnan cu asina mes a perde trabou. Minister di Finansa y Economia a anuncia tambe e sosten di 4000 florin pa kwartaal pa empresanan mediano y chikito. Y tambe e alivio fiscal pa alivia costo di vida di nos ciudadanonan, rebahando tarifa di impuesto riba salario cu 2%.

Pa stimula economía a reduci impuesto riba importacion di material di construccion cu 2%. Tur esaki pa evita lo peor, pa evita cu hopi hende lo a perde trabou, pa evita cu companianan ta cera. Nos isla chikito cu a haya un isla duro door di a cera su frontera, a sa di sali y purba yuda su pueblo.

Aruba a sa di bini hunto y yuda un otro cuta pasando den momentonan dificil.

Nos ciudadanonan a sa di ta solidario voluntariamente, entregando parti di nan salario pa yuda otro, pa yuda un otro cu a perde tur cos. Algun no tabata contento pero mayoria a compronde cu e tawata lo corecto.

Nos Minister di Agricultura a curasha nos pueblo pa bay planta, hunto cu Minister di Infraestructura a

entrega terenonan pa sigui conscientisa, pasobra un cos cu e pandemia a siña nos ta cu nos no por depende di nada mas cu importacion.

Mas di 125 persona, boluntariamente, a traha den diferente taskforce pa inventarisa e problemanan cu nos pais ta enfrenta, revisa raportnan traha anteriormente, y presenta solucionnan pa tur e problemanan. E masterplan ta stipula e rumbo nobo cu nos como pais mester tuma, pa crea un Aruba mas fuerte y resiliente.

Como Minister encarga cu telecomunicacion, el'a percura tambe pa mas tanto posible nos scolnan y departamentonan publico tabatatin internet pa e comunicacion por a sigui virtual apesar di toque de queda y shelter in place.

Minister di Enseñansa a duna mayornan mas opcion den scoge un scol normal of "online learning" e manera cu nan ta sinti nan mes mas confortabel pa nan yiu sigui haya enseñansa. Laga nos felicita tur scol, cada maestro na Aruba, cu apesar di tur cos a mantene nos yiuun "safe".

Na e mes un momento nos Minister di Turismo tawata determina pa habri nos frontera bek, unda a inverti den tur posibilidad patene tur hende "safe", cu ayudo semper di nos mesun hendenan, y asina Aruba a habri gradualmente pa practicamente henter mundo.

Turistanan cu a tuma hopi riesgo a bini bek Aruba y disfruta di nos beachnan, di cordialidad di nos hendenan amabel cu a pone nan cada uno sinti sigur den un pandemia mundial. Y asina, un a sigui invita otro pa bini Aruba hibando e

siguransa cu Aruba ta safe.

E hecho cu awe nos tin poco mas libertad cu demas paisnan den nos region, y cu toch nos si por a celebra Pasco y aña nobo, maske poco diferente, no ta pa casualidad.

Ta danki na e trabou duro di nos profesionalnan, cu dia aden y dia afo a traha pa cuida salud di otro of pa mantene orden publico. Y ta danki na sacrificionan grandi cu nos cada un a haci.

Nos a sacrifica nos libertad durante toque de queda y shelter in place. Nos a cera scolnan. Nos a cera frontera, cu a pone cu famianan a wordo separa sin saki día nan ta mira nan famia atrobe cu ta biba den exterior, sin sa ki día nos por bolbe brasa nos yiuun cu ta biba den exterior.

No ban perde tur e trabou duro y sacrificionan grandi cu nos a haci pa un descuido den e dianan di fiesta aki. Nos mester sigui cuida nos mes, y nos famia, especialmente den e dianana aki.

Aña 2020 a siña nos dedica mas tempo na nos famia, proteha nos grandinan, traha un termo di te di moringa pa un bisaña of un conocicuta malo, hiba un weya di sopi pa nan haya forsa y resa pa un enfermo cu bo ni conoce.

E aña aki maske nos no por a brasa, duna man ni sunchi, tawata e aña cu mas nos a bini hunto pa contribui na nos pais, ARUBA!

Como Prome Minister di Aruba e momentonanaki a duna mi animo, curashi, determinacion pa sigui lucha pa nos Pueblo.

Nos ta cera e aña unda nos a siña asina hopi. Nos a siña cu pidi ayudo no ta señal di debilidad sino un señal di forsa. E ta señal con

hopi nos ta stima Aruba. Un señal cu HUNTO nos por hopi mas!

Cu perspectiva pa 2021, hunto nos lo mester sigui hiba e pais aki na un otro nivel, unda nos no lokeda depende di turismo so, pasobra esey 2020 a siña nos.

Manera un mata di fruta cu ta ser planta, e lo duna fruta despues, cu positivismo y determinacion nos ta drenta 2021.

Cu Inversionistanan den un pandemia tin un interes grandi den nos isla ainda, nos mester duna nan e oportunidad berdadero. Inversionistanan cla pa purba diversifica nos economia cu apoyo total di Gabinete Wever-Croes, unda hopi a purba y no a logra. Ta keda awo na nos tur pa logra, nos no por warda mas.

Mi kier a yama danki, danki na Aruba, na cada ciudadano cu ta mi inspiracion pa lanta tur mainta mas determina cu nunca pa traha pa nos baranca cu ni Covid-19 a logra kibra.

Mi kier pidi boso cada un pa hunto nos drenta 2021 cu un mesun meta, pa Aruba. Pa Hunto nos para fuerte pa tur reto y transforma nan den oportunidadnan nobo. Pasobra aña 2021 lo ta un miho aña.

Pa un economia mas fuerte, un autonomia mas fuerte pa y un Aruba Fuerte.

Bansigui e movicion cu pasonan fuerte, padesaroyo di pais Aruba!

Den number di mi famia, y den number di tur e ministernan di Gabinete Wever-Croes, mi ta desea bo un bon cambio di aña. Cu aña 2021 trece hopi prosperidad, felicidad y principalmente salud pabo y bofama. Y cu Dios bendiciona cada ciudadano di nos país."

KÒRSOU

E promé beibi di aña 2021

WILLEMSTAD -- Advent Hospital ta sumamente kontentu ku e privilegio di por tin e promé beibi di aña 2021. "Nos ta yama bonbiní na e prinsesa Su'sergiëaly ku a nase dia 1 di yanüari 2021 -- 23:44. E ta pisa 3120 gram ku e midí di 48 cm. Un alegría inmenso a reina serka nos den hospitaluntu ku Mama Suvienka Pieter i Tata Sergi Soto Beltran ora ku partera Faber, asisti

pa Züster Petronella, a yuda trese e beibi aki na mundu."

Direktiva di JCI Willemstad di 2021 a bishitá e mayornan di e beibi pa felisitá i sorprendé nan ku algun regalú i opsekio. Presidente di JCI Willemstad, Sulmahine Kwidama, a ekspresá su legria ku yegada di e beibi i tambe a duna felisitashon na e famia.

Tambe tabatin bishita di Minister di SOAW, Hensley

Koeiman. E tambe a pasa pa ekspresá algun palabra di felisitashon i hasi entrega di un regalito pa Su'sergiëaly.

"Ken por a bisa ku después di 17 aña nos lo por tabatin e privilegio un biaha mas di ta esnan ku a yuda trese e beibi di aña. Pa kasualidat ta e mesun Züster Petronella ku a asisti e dòkter na aña 2004. Un alegría inmenso pa eksperensia esaki un biaha mas. Nos ta desea e mayornan di Su'sergiëaly tur klase di éxito i bendishon. Ku nos bon Dios duna boso forsa i sabiduría pa guía Su'sergiëaly den e bon kaminda. Masha Pabien!", gèrensia di Advent Hospital ta informá.



Polis ku vários 'roadblock'

WILLEMSTAD -- Polis a tene diferente 'roadblock' riba entre otro Schottegatweg-Noord, Rotònde Robert Willems (Janwe) i Winston Churchillweg i akinan a parti un kantidat di prosèverbal en konekshon ku toke de keda.

Propietario di un restaurant riba De Rouvilleweg a risibí un but i a sera su negoshi, despues ku e dia anterior ya el a wòrdu será i a habri esaki ayera atrobe.

Den oranan di atardi polis a bai na Pier na Marie

Pampoen, unda un boto ku registrashon lokal a yega ku mas tantu persona riba dje ku ta permití. Polis a verbalisá tur e 18 pasaheronan riba e boto i tambe e kaptan en konekshon ku no mantené distansia sosial.

Destrukshon na restaurant

WILLEMSTAD -- Djabierne promé di yanüari 2021 alrededor di 17.03'or, Sentral di polis a dirigí un unidat na altura di un restaurant na Berg Altena pa un kaso di destrukshon. Na yegada di e unidat, a sali na kla ku algun hòmber tabatin diskushon ku otro i

dado momentu un di nan a drenta un vehíkulo pa bandoná e sitio.

Na e momentu ei un di e hòmbernan ku ken e tabatin problema, a manda bòter i otro artefakto, ku a destruí tantu winshil komo bentana dilanti di e outo.

Na e sitio, masomé-

nos 18.40'or, polis a detené e hòmber sospechoso G.J.Q.V. nasé na Venezuela, di 31 aña di edat, pa destrukshon na e vehíkulo. A present'é dilanti di un fiskal ouksiliar ku a ordená su enkarselamentu pendiente di mas investigashon.

MIRA, SEÑOR TA BAI HASI ALGU NOBO

Skritura: Isaias 43:18-19

"No rekòrdá e kosnan di antes, ni keda pensa riba kosnan ku a pasa kaba. Mira, Mi ta bai hasi algu nobo, awor esaki ta bai sali na kla; ..." v.18-19 (BS)

Ban drenta e aña 2021 sin e karganan di 2020. Kòrdá ku tur loke ta pasa den nos bida ta parti di un proseso di kresementu. Para ketu i pensa, ki lès mi a siña for di e susedonnan di 2020? Kua parti di mi karakter a kambia pa mihó? Ki kresementu bon mi tabatin apesar di tur e luchanan? Ken mi mester pordoná ainda i na ken mi mester pidi pordon? Mi kurason ta na pas ku Dios i ku mi próhimo? Mi a drecha relashonnan ku tabata kibrá? Mi a logra paga tur mi debenan pa e aña ku ta kabando? Bo a hasi tur esenan kaba? Pues drenta 2021 awor liber di karganan bieu. Proponé pa kana ku Señor i pa pone tur bo karganan riba DJE durante di e aña 2021. Tur loke ta pasa tin un propósito. Siña lèsnan balioso i avansá ku Señor. Bida ta un regalo di Señor. Ta un oportunidat di biba so nos tin riba e mundu akí. No pèrdè tempu ku pensamentunan negativo ku ta kita nos pas, pasobra tempu pèrdí lo no regresá. Ban biba felis, sin envidia i sin amargura. Señor Hesus tei pa yuda i guia nos alkansá metanan nobo. Bida lo no bira mas fásil den 2021, pero esun ku skohe pa risibí Señor Hesus den su kurason i kana tur dia kunÉ, pa hasi orashon i sklama na DJE; e persona ei lo tin pas den su kurason i den su mente. Tin un kos spesífiko ku bo ke logra e aña akí? Tin un strobashon ku bo ke vense? Tin un transformashon den bo karakter ku bo ke eksperimentá? Papia ku Dios i pidiÉ Su yudansa. Dios ta kla pa hasi algu nobo pa bo, pèrmitiÉ hasi esei!

Miralda Paula-Frans

Saká for di: Alimento Pa E Alma, un produkshon di Trans World Radio Bonaire.

Epifania di Señor, Fiesta di Tres rei

Promé Lektura : *Isaias 60, 1-6*

Salmo : *Salmo 72, 1-2. 10. 12-13*

Di dos Lektura : *Efesionan 3, 2-3a. 5-6*

Evangelio : *Mateo 2, 1-12*

Profeta Isaiás ta presentá nos un página di hopi inspirashon den kua ku, ku antisipashon, ta deskribí nos loke en fiesta u nos ta selebrando awe ta representá.

Epifania ta nifiká “manifestashon”. Awe nos ta rekordá ku Hesus a manifestá su mes ma tur pueblo di tera, pues e binida di Hesus, asumiendo nos naturalesa den barika di Maria, no tabata un regalo únika pa hudiunan, sino pa tur rasa humano.

Di einan ku su figura sea e punto di atrakshon na kua tur esnan ku ta buska salbasyon, mester reuní huntu.

Herusalèm lo kombertí

den e sentro di tur esnan ku ta kere, pero no ya den tera, sino den e siudat magnífiko ei ku Revelashon ta presentá nos: e Herusalèm Selestial (21,2).

Tur hende lo pas einan, pasobra niun hende lo keda ekskluí di antemano. Esnan ku no ta drenta ta pasobra nan no a duna importansia na e Palabra di Dios i na e mensahe di Hesus.

Esaki ta e kas di Tata di kua Hesus ta papia ora E ta bisa: “Den kas di mi Tata tin hopi lugá; Mi ta bai prepará un lugá pa boso. Si no tabata asina, lo Mi no a bisa boso. Despues di prepará un lugá pa boso, Mi ta bolbe



bini i tuma boso serka Mi pa boso ta kaminda Mi ta” (Huan 14, 2-3).

E atrakshon ku Hesus ta ehersé pa tur hende ku ta kana buskando salbasyon ta kombertí den lus ku ta guia nos. É ta proklamá esaki klaramente: “Ami a bini na mundu komo lus, pa niun hende ku kere den Mi no keda den skuridat.” (Huan 12,46).

E ta e lus di kua Isaiás tabata papia ora el a sklama: “Lant’ariba, Herusalèm, respandesé! Pasobra klaridat ta pinta pa bo: SEÑOR su gloria ta iluminá bo manera solo ku ta sali!” (60,1).

Esaki ta e lus ku e magonan di Oriente a mira, ku di algun manera tabata sa ku e Salbador di mundu tabata na punto di yega, i sea nan tabata di akuerdo komun òf kada un riba su mes, a disidí na biaha te kaminda te unda tabatin esun Anunsiá di nasihonnan, Esun ku mester a salba tur hende.

Komo e teksto di Isaiás ta mensioná e reinan ku tabata kana na e lus di e ourora di Dios, algun eskritor, no e evangelista Mateo, ku ta e úniko den papia di e yegada di e magonan buskando un resien nasí, sino otronan, a kombertí e magonan den reinan i awe kasi henter mundu kristian ta referí na nan komo si fuera nan tabata tres i ku tabata yama Melchor, Gaspar i Baltasar.

Di tur moda lo importante pa nos ta e kantidat, ni nan nòmber, ni ku nan tabata rei òf no, sino e echo di ku nan a ser avisá di algun manera pa e propio Dios, usando komo medio una señal luminoso di ku nos no sa di kiko e tabata konsistí,

E lus aki a guia nan te na esun ku tabata **E LUS**. I aunke únika den un pover kas di Bètlehèm nan a topa únika ku un mucha chikí na pareser insignifi-

kante, nan a rekonosé komo Esun ku nan tabata spera.

Asina tabata kon e nase-mentu di Hesus a manifestá su mes na esnan ku no tabata hudiú, ya ku den e momentonan ei e magonan tabata representá henter humanidat, ku lo mester a ser salba pa Esun ku a nase asina pover.

E magonan ei a regresá nan tera yen di alegría, dispuesto na anunsiá na oronan ku un lus tabata bria ya anunsiando salbasyon i i dicha pa sernan humano.

Kiko a para di nan? Nunka nos lo sa, manera ta den shelu, pero nos mester suponé ku nan anuncio mester tabatin algun fruta den e sitionan kaminda nan tabata biba.

Awe e gran mayoria di nos kristiannan ta desendé di esnan no hudiú, ku, despues, a kombertí pa e predikashi di e apòstelnan òf di e promé kristiannan.

No tur hende, lamentablemente, di esnan ku ta

yama nan mes kristian, ta bibando un bida kristian, pues tin hopi ku ta keda de práktikanan eksterior sin ningun contenido.

Ta tarea di kada un di nos, e kreyentenan kombensí di ku e Mucha ei ku a nase i a ser adorá pa e Magonan ta e berdadero Salbador di mundu, sea konosí pa tantu mion ku ta biba den ignoransia, sin sa ken E ta.

Ta nos tarea pa kombertí nos den e señal luminoso ei ku, manera e Magonan a mira, ta hiba mundu te na Hesus.

No laga nos lubidá ku esaki tabata e tarea ku El a konfia na nos. Nos mester ta lus i salu di tera.

I nos lo haña esaki únika-mente si nos biba konsientemente di akuerdo ku su enseñansanan.

Kombershon di mundu ta dependé den gran parti di nos, ku den Boutismo y Konfirmashon nos a risibí e forsa di Spiritu Santu pa ta testigu i profetanan di Kristu.

Un testigu ta esun ku ta konta e bèrdat di loke a sosodé. Si nos bida ta manera Señor ke, nos lo ta predikando sin bisa ni mitar palabra.

E profeta no ta nesariamente un persona ku ta anunsiá e porvenir. Pero si nos ta biba den relashon ku e Evangelio, nos lo ta anunsiando e porvenir glorioso di un bida eterno felis den kas di Dios nos Tata.

Awe nos ta proklamadónan di e Bon Notisia, e mihó di tur: Ku Dios ta stima nos i ke tin nos kuné pa semper.

Arnaldo Bazán

Bendishon pa e aña Nobo



Ku e kamindanan ta abri na bo enkuentro, ku solo ta bria riba bo kara, ku áwaseru ta kai suave riba bo kunukunan, ku bientu semper ta supla den bo lomba. Ku bo ta warda den bo kurason ku gratitut e rekuerto presioso di e kosnan bon di bida.

Ku tur don di Dios ta krese den bo i ta yuda bo hiba e alegría

na e kurasonnan di esnan ku bo ta stima.

Ku bo wowonan ta reflehá un brio di amistad, grasioso i generoso manera solo, ku ta sali entre nubianan i ta keinta e laman trankil.

Ku e forsa di Dios ta mantené bo firme,

ku wowonan di Dios ta mira bo,

ku oido di Dios ta skucha bo,

ku e Palabra di Dios ta papia ku bo,

kue man di Dios ta protehá bo,

i ku, te ora ku nos ta bolbe topa,

otro tin bo, i nos tin tur,

den e palma di su man.

Na tur lesadó di Página Katóliko:

Mi ke probchá e komienso di aña akí pa deseá boso tur un


FELIS AÑA 2021!

Mi ta roga na Señor pa e drama riba kada un di boso un grasia especial ku ta hasi posibel ku bos o biba e próximo 365 dianan toká pa su amor i su grasia.

Ku E lo bendishoná boso huntu ku boso famia i amigunan.

Ku 2021 sea un Aña Especial pa kada un di boso.

Rutzen Lucas
Produktor di Página Katóliko



Dushi tempu bieu



Barku a pega riba kosta na Klein Kòrsou.
Foto: Kolekshon Luis Herman Lopez Ramirez (Chap)

Programanan di Bonaire.tv

TELBO kanal 70

Flamingo TV kanal 23

Djaluna 04 yanüari 2021

12:00 Herensia: Agatha i Theresita Van Putten	19:30 Puerto Latino: Luis Zárraga
13:00 Aki Boneiru: Kima Karbon ku Gezaghebber	20:00 Herensia: Thomas Soleano i Maskarada
14:00 Herensia: Leonard Albert Floridas	21:00 Aki SXM: Jai Havisser 'saka Pastor'
15:00 BAPA: Rudolf Amando Maria	22:00 Herensia: Anna Maria Cornelis - Statia
16:00 Herensia: Engracia 'Gacha' Coffie-Piard	23:00 BAPA: Ivan Dario Perez Gomez
17:00 Aki Boneiru: Rudy Jacobs	
18:00 Herensia: Jocelyn Arndell i George Violenus	

Tur mèrdia 12'or ta kuminsá un programashon nobo di 4 ora.
E programashon aki ta ripití pa 24:00.



Hende di Boneiru

DOU



Leonard Semeleer tabata un di e yunan di Pedro Semeleer i Benedicta Antoin di Nort di Saliña. Su nòmber di kariño tabata Dou i e tabata biba na e adrès Nort di Saliña 420. Ta tata di e konosido Benota. Dou a nase na Boneiru dia 1 di yüli 1893.

Dou ta un dje hopi hòmbenan di Nort di Saliña ku a bai Merka den e promé dékadan di siglo pasá pa traha. Su ruman Simon Semeleer, ku tabata e último yu di Pedro i Benedicta ku a fayesé, tambe a bai Merka. Otro rumannan di Dou tabata entre otro Jeronimo (Noni), Mauricio (Bolishi), Julia i Francelina. Na momentu ku situashon a kuminsá bira malu na Merka, Dou a regresá Boneiru, for di unda el a bai traha na Lago, Aruba. Aki tambe hopi Norteño tabata traha, tantu na bordo di e tènkeran di Lago (laketankers) komo den e refinaria mes. Bèk na Boneiru despues Dou a traha komo un tipo di trahadó di mantenshon, tantu paden komo pafó, na e ofisina di Landsradiodienst na Playa. Ta e edifisio den kua tin awendia Konseho di Minister i Staten. Tambe Dou a traha komo peon den trabounan di Telefoondienst pa koba buraku pa instalá kabelnan di telefòn na Boneiru. El a traha te na aña 1962. Simon Semeleer, e último ruman di Dou ku a muri, mes sa kontu ku na momentu ku nan sa dal nan beternan ántes, nan tabata gusta bringa ku otro. Pero na momentu ku nan tabata na tinu, nan tabata biba bon ku otro.

KOLOFÓN

Editor Bonaire
Communication
Services N.V.
Kaya Irlanda 12,
Tel. 717-8482
E-mail:
extrabon@gmail.com
Wèpsait:
www.extraboneiru.com

Direktor
Shirley Martis
785-3824
796-3824

Hefe di redakshon
Bòi Antoin
786-6818

Redakshon
Ludovico Nicolaas
Davienuska Janga
Velli Gijsbertha
Ibi Piar (deporte)

Partner na Aruba
Awe Mainta

Layout
Josella Martinez

Aviso
avisobon@gmail.com

Pronóstiko di tempu pa Boneiru

Djaluna
04 yanüari 2021





Awe i mañan ta parsialmente nublá ku algun áwaseru. E temperatura máksimo lo ta aproksimadamente 30°C, e temperatura mínimo mas o ménos 25°C. E bientu ost pa nortost ta moderá te basta fuerte, 4-5 Bft, mañan basta fuerte te fuerte, 5-6 Bft. Altura di ola: 2.0-3.0 m (7-10 pia), ku lo oumentá te 2.5-3.5m (9-11 pia) * Altura di ola válido pa laman grandi.

MONCHI & TONCHI

Ata nos atrobe den un aña nobo. Kiko nos ta bisa Tonchi?

Awèl sí! Felis i próspero aña nobo! Un aña 'covid-loos'!



Wolfpack Self Defence Academy ku eksitoso programa pa mucha

KRALENDIJK--E akademia Wolfpack Self Defense Academy, tabatin simannan tras di lomba tremendo programa di “self defense” titulá “Stop Bullying”, esaki pa muchanan entre 6 pa 12 aña.

Nos muchanan a keda empoderá ku diferente teknik di defensa propio na momentu ku nan haña nan den un situashon físiko ku un bully.

Tambe nan a haña diferente treinen pa e parti mental tambe di bullying.

Treinen riba halamentu di rosea korekto pa momentu di tenshon i strès, ta kon-

siente di bo mes i bo ambiente, komuniká korekto usando kontakto di wowo i language di kurpa, ta konsiente i kon pa filtra bo zona personal.

E akademia ke gradisí tur mayor i mucha pa nan tempu i dedikashon na e programa.

Un danki na tur e bon “feedback” i testimonionan ku a drenta kaba.

Tambe ke pidi mayornan pa keda pendiente pa e siguiente programa ku lo bai tuma luga den luna di Mart 2021. Pa mas informashon por sigui haña mas informashon di esaki riba

facebook i instagram na Wolfpack Self Defense.

Email: wolfpackselfdefense@gmail.com

Tell: +599 7772095.

Keda pendiente pues o tuma kontakto ku sr. William Evertsz pa mas informashon di e siguiente programa ku ta pendiente i programá pa kuminsá den luna di mart benidero.

Esaki sigur ta masha masha bon mes pa tur mucha i asta hende grandi pa sigui e tipo di treinenan aki pa defensa propio.

Riba potrènan algun bista di e programa ku a tuma lugá resien.



Flamingo i Vitesse ta habri kampionato

KRALENDIJK--E klupnan di futbòl afiliá na FFB ku ta s.v. Flamingo di Niki-boko i s.v. Vitesse di Antriòl Pabou, lo habri kampionato 2020-2021 di futbòl di nos isla aki dos siman, kampionato ku ta kuminsá 17 yanüari 2021 pa 7'or anochi den Stadion di Playa.

Esaki e kordinadó di e kampionato pa FFB ku ta sr. Patrick Mariana, a konfirmá pa nos siman pasá ku nos tabatin kontakto ku su

persona.

Honor pues a toka na e dos ekiponan aki pa hunga e promé partido di e kampionato djadumingu 17 yanüari 2021 pa 7or anochi den Stadion di Playa unda e kampionato lo tuma lugá.

E ekiponan di akuerdo ku informashonnan, ta den preparashon despues di e torneo pa kalentá i awó ku aña a kuminsá, lo sigui prepará nan mes aun mas pa duna tremendo partidonan

di futbòl den e kampionato ku ta unu mirando nos situashon di Covid-19, lo ta unu sin públiko.

E kampionato lo hunga 1 buèlta, despues buèlta di seis, buèlta di kuater i final di e kampionato.

Nos ta deseá e ekiponan den e kampionato tur pero tur klase di éksito den e kampionato ku aki si tin ku gana pa akumulá punto pa yega final.



5 BURNER GAS STOVE
REDUCED PRICE
\$676

20% OFF

**KAMPAÑA DI
FIN DI AÑA
EXTENDÉ**



25% OFF

WIRELESS SECURITY SYSTEM
REDUCED PRICE
\$150



20% OFF

NESPRESSO MACHINE
REDUCED PRICE
\$280

220V

**TE KU
75% OFF***

FIREPROOF FILE BOX
REDUCED PRICE
\$88



20% OFF

*riba artikulo nan selektá

City Shop

Smart shopping ▶ Better living

Kaya International #36
+599 717.36.66

www.cityshopbonaire.com
info@cityshopbonaire.com

City Shop Bonaire
+599 700.64.42



tandprothetische praktijk
BONAIRE
tandprothetische praktijk

**AKI TA TRAHA I DRECHA PLANCHA PA DJIENTE.
BO TA WARDA MIENTRAS NAN TA DRECHE,
SERVISIO RAPIDO.**

djaluna pa djaweps: 9'or mainta pa 12'or merdia,
2'or te 4'or di atardi.
djabierna: 9'or mainta pa 12'or merdia,
atardi ta SERA.

E.M. Rijswijk
Por yama pa un sita na tel. 717-2248 òf selular 796-3714
Kaya Dr. J.G. Hernandez s/n (banda di Botica Korona)



Radio **Bròkès** Bonaire
93.5 FM
positivo i dibertido

Felis Pasku
Bendishon na Abundansia den 2021

Julimar Enterprises
ta buska
**2 hulpkok / 5 metselaar /
5 timmerman / 5 schilder /
5 tegelzetter**
Pa mas inf. **tel. 700-7038**



Caribisch Nederland
Belastingdienst

**Anunsio pa dunadón
di trabou**

**Algemene bestedingsbelasting
i Loonheffing**

Dia 15 di yanüari 2021 ta e delaster dia pa hasi deklarashon di Algemene bestedingsbelasting (ABB) i Loonheffing (LH) pa e periodo di kuater kwartal di 2020 (2020-Q4). Riba e fecha menshoná e deklarashon mester ta entregá na Belastingdienst Caribisch Nederland (B/CN).

Adaptashon en konekshon ku covid-19

- > Pagonan via di banko ta na tempu solamente si nan a keda kreditá riba kuenta di B/CN pa mas tardá dia 15 di yanüari 2021.
- > Dor di e situashon aktual di covid-19, no ta posibel pa entrega e aangifte na e kantor di B/CN. Por entrega e aangifte via e 'online portal' via <https://mijn.belastingdienst-cn.nl/ogp/> òf por bent'e den e buson na e entrada prinsipal di e ofisina di B/CN. Si tin pregunta tokante e online portal, por manda un mail na helpdesk@belastingdienst-cn.nl
- > Pa areglo di pago i pa tur otro pregunta/petishon ku no tin di haber ku entregá di aangifte online, por manda un mail na balie@belastingdienst-cn.nl

Karakterístika di pago (betalingskenmerk)

No lubidá di menshoná e karakterístika di pago korekto ku ta pará riba e aangifte konserní.

Medidanan mas estrikto

Djadumingu 3 di yanüari 2021



E kantidat di kasonan di COVID-19 a bira hopi. Tin ku adaptá e medidanan i hasi nan mas pisá manera ta konta pa fase 3: Menasante. Ta importante pa bo tene bo mes na e medidanan aki i asina prevení ku e vírüs ta plama. Protehá bo mes i esnan rònt di bo.

Den fase 3 e reglanan aki ta konta:

Enkuentro privá  Maksimalmente 10 pers. (ekskl. mucha <13 aña) Konseho: gruponan vulnerabel, keda kas	Hóreka  <ul style="list-style-type: none"> Maksimalmente 50% di e kapasidat i 50 pers. Obligashon pa registrá i chekeo di salú Lugá di sinta fiho Habrá te 22:00 or 	Evento  <ul style="list-style-type: none"> Maksimalmente 50% di e kapasidat i 50 pers. Obligashon pa registrá Sin kanto i sin baile
Tienda nesesario  <ul style="list-style-type: none"> Maksimalmente 2 pers. por kompañá otro (ekskl. mucha <13 aña) Garoshi/makutu ta obligatorio 	Tienda ku no ta bende produkto básiko  Maksimalmente 2 pers. por kompañá otro (ekskl. mucha <13 aña)	Trabou  Traha na kas mas tantu posibel
Misa  <ul style="list-style-type: none"> Maksimalmente 50% di e kapasidat. Bai kas despues di misa/sirbishi. Sin kantamentu. Obligashon pa registrá i chekeo di salú 	Deporte  <ul style="list-style-type: none"> Maksimalmente 50% di e kapasidat. Bai kas despues di hasi deporte. Obligashon pa registrá, chekeo di salú i sin públiko 	Profeshon di kontakto  Tapaboka
Diskoteka i kas di plaser  Será	Sala pa wega di plaka, kasino i teater (movies)  <ul style="list-style-type: none"> Maksimalmente 50% di e kapasidat Obligashon pa registrá i chekeo di salú Habrá te 00:00 or Kuminda i kos di bebe te 22:00 or 	Sauna's  <ul style="list-style-type: none"> Maksimalmente 50% di e kapasidat Obligashon pa registrá i chekeo di salú



Mas informashon:

 Gobièrnu di Boneiru

 www.bonairecrisis.com

Liña di informashon vírüs di corona: 

 **0800 0800**
(grátis)

Esaki ta un mensahe di Entidat Públiko Boneiru